

# ***Ilanngussaqq A***



**Aningaasaqarnermut Aatsitassanullu  
Naalakkersuisoq  
-/ Maani**

**Assilinera: Inatsisartut ataatsimiititaliaat**

**Ulloq: 28. september 2015**

**J.nr.: 01.31.11-00015**

**Naalakkersuisut 2016-imi aningaasanut inatsisissatut siunnersuutaat**

**1. Aallarniut**

Aningaasaqarnermut Ataatsimiititaliap 2016-imi aningaasanut inatsisissatut siunnersuummut aallarniutitut apeqqutai oqaaseqaataalu matumuuna nassiunneqarput. Aningaasaqarnermut Ataatsimiititaliap 2015-imi augustimi Qasigiannuani missingersuutit pillugit isumasioqatigiinnermini aningaasaqarnermut inatsisissatut siunnersuummik tamarmiusumik misisuina apeqqutitut pingaarnertut tunngavigineqarpoq.

Allamik allassimasoqartinnagu quppernertut innersuussutit aningaasanut inatsisissatut siunnersuutit danskisuaanut innersuussutaapput.

**1.1. Ataatsimut takussutissiamut, 2010-2019, qupperneq 4-5**

- a) Qupperneq 4-mi – Ataatsimut takussutissiami Ingerlatsinermut aningaasartuutit ataanni ”Ingerlatsinermut aningaasartuutit allat” nalaanni aningaasat 2016-imi 145,3 mio. kr.-init 2017-imi 25,2 mio. kr.-inut ikileriarujussuarput aammalu 2018-imit isertitaqarnissaq naatsorsuutigineqarluni. ”Ingerlatsinermut aningaasartuutit allat” sunik imaqarpat?
- b) Qupperneq 4-mi – Ataatsimut takussutissiami Tapiissutit ataanni ”Tapiissutit allat” nalaanni:  
2015-imit 2019-imut aningaasartuutit taakku affaat sinnerlugit ikileriarput. Tamatumunnga suna pissutaava? Tassani tapiissutit suut pineqarpat aammalu qanoq/sooq taakku ikilineqarpat?
- c) Qupperneq 5 – Ataatsimut takussutissiami Sanaartornermut aningaasartuutit ataanni ”Ilaqutariinneq Peqqissutsimullu” nalaanni: 2016-imit 2019-imut aningaasartuutit taakku affaat sinnerlugit ikileriarput. Tamatumunnga suna pissutaava? Naalakkersuinikkut pingaarnersiulluni tullerriaarnermut imaluunniit pisariaqartitat 2019-imi naammassineqarsimanissaannut tamanna ersiutaava?

**2. Oqaasertaliussat**

**2.1. Konto pingaarnermut 40.02.01-imut ilinniartut Ineqarfiisa Allaffeqarfiat**

Ineqarnermut akiliutit inoqutigiit ilinniartut ineqarfianni ineqartut isertitaat malillugit nikerartinneqarsinnaanerit isumaliutigineqarsimava? Taama ilusiliineq naammaginartutut isumaqarfiginarsinnaavoq, taamaaliornikkullu ilinniartut inaanni akikitsumi sivisunerpaamik najugaqarnissaq ilaatigut siunertaralugu ilinniartut ilinniakkatik sulii naammassinagit ilinniakkamin-

nut atatillugu atorfigiligassaminni aallartiaarnissamut aningaasatigut kajumilinnginnissaat siuarsarneqarsinnaalluni.

## 2.2. Konto pingaarnermut 64.10.25-mut Suliniutit angisuut

- a) Oqaasertaliussaq nr. 1 naapertorlugu aningaasat uninngasuutit kingusinnerpaamik 31/12-2019-imi nunatta karsianut utertinneqassasut Naalackersuisunit siunnersuutigineqartoq ataatsimiititaliap maluginiarpa. AI14-imi 31/12-2017 ulluliunneqarsimavoq. Kontomi pingaarnermi 2015-imi aningaasanik allanik amerlasuunik immikkoortitsisoqannginnera eqqarsaatigigaanni tamanna suliat ingerlasut ukioq ataatsimik kinguaattooqqanerattut paasineqarsinnaava?
- b) Imaluunniit aningaasanik unerartitsinissamik Naalackersuisoqarfiup nalinginnaasumik kissaateqarneranut kinguaattoorneq ersiutaaginnarpa?

## **3. Nalinginnaasumik nassuiaatit**

Allamik allassimasoqartinnagu quppernertut innersuussutit danskisuaanut innersuussutaaput.

### 3.1. Immikkoortoq 1, Aallaqqaasiut, qupperneq 85

Qupperneq 85 – Attanneqarsinnaasumik aningaasarsiornikkut siuarsaanissamullu pilersaarut 2016-imi aningaasanut inatsisissap naammassineqannginnerani naammassereersimasussatut naatsorsuutigineqarpa? Pilersaarut tusarniutigineqassava imaluunniit pilersaarutip naammassinerata kingorna innuttaasut paasitinneqaannassappat?

### 3.2. Immikkoortoq 3, Aningaasaqarnikkut inissisimaneq, qupperneq 87

- a) 2014-imi inuusuttut 16-18-inik ukiullit quliugaangata arfinillit ilinniakkamik aallartitsisimangitsut Naalackersuisut paasissutissiissutigaa. Suliffissaaleqisunik immikkoortiterinermi 1-3-miittut ullumikkut qanoq inissisimappat?
- b) Isertitsiviusartunut pingaarnertut takussutissiami takornariartitsineq Naalackersuisunit taaneqanngilaq. Nunani tamalaani aningaasat nalingisa nikerarnerannit aatsitasarsiornerup aalisarnerullu sunnertianerattulli takornariaqarneq sunnertiatigisutut Naalackersuisunit nalilerneqarpa?

### 3.3. Immikkoortoq 3, Aningaasaqarnikkut inissisimaneq, qupperneq 88

Peqqinnissaqarfik, kommuninut ataatsimoortumik tapiissutit aammalu aserfallatsaaliinermut tunngasut eqqaassanngikkaanni aningaasaliissutit 2016-imi akinut akissarsianullu 0,8 %-imik iluarsiiisuteqarfigineqarsimasut Naalackersuisut paasissutissiissutigaa. Iluarsiiisutissap taama annertussuseqarnissaa Naalackersuisut qanoq pissarisarivaat?

### 3.4. Immikkoortoq 3.1, Akiitsoqarnerup nikerarnera, qupperneq 89

Kommunit, Namminersorlutik Oqartussat suliffeqarfiutaallu aammalu suliffeqarfiit namminersortitat kiisalu ingerlatseqatigiiffii Namminersorlutik Oqartussanit pigineqartut akiitsui tamarmiusut qanoq isikkoqarpat? Tabelinngorlugu takussutissiaq paasiuminartoq kissaatigineqarpoq.

### 3.5. Immikkoortoq 3.2.1, Naligiissaareriaaseq ataatsimoortumillu tapiissuteqariaaseq nutaaq, qupperneq 89

- a) 2019 aallarnerfigalugu naligiissaareriaaseq nutaaq ataavortoq isumaqatigiissutigineqarsinnaasoq Naalackersuisut naatsorsuutigaa. Naligiissaareriaasissamik suli-

aqarnerup aallartinneranit ukiut tallimat missaat taamaalillutik ingerlareersimassaput.

Naligiissaareriaasissamik taama arriitsigisumik suliaqarnej aningaasaqarnermut qanoq sunniuteqassava?

- b) Kommuniti sulianik ingerlatsinermit assigiiaartumik nalunaarsuisarnerup ataatsimut isigalugu amigaataanera assut pitsaanngitsutut ataatsimiititaliamit isigineqarpoq. Tamatumani KANUKOKA qanoq atuuffeqarpa?
- c) Ataatsimoortumik tapiissutinik tunniussinermit kommunit aningaasaqarnikkut pitsa-nerusumik aqutsinissaat piunasaqaataasariaqartoq ataatsimiititaliaq isumaqarpoq. Tamatumunnga Naalakkersuisut qanoq oqaasissaqarpat?

### 3.6. Immikkoortoq 3.3, Ingerlatseqatigiiffinni Namminersorlutik Oqartussanit pigineqartuni annerpaani tallimani ineriartorneq, qupperneq 92

Aktiaateqarluni ingerlatseqatigiiffiit Namminersorlutik Oqartussanit tamakkiisumik ilaannakortumilluunniit pigineqartut fire tusind sinnerlugit sulisoqartut taakkunanngalu amerlanerpaat nunatsinni sulisuusut Naalakkersuisut paasissutissiissutigaat.

- a) Sulinermit sungiusartut Namminersorlutik Oqartussat ingerlatseqatigiiffiutaanni qanoq annertutigisumik atornejartarpat?
- b) Najukkani sulisartunik atorfinitsitsisarnerup siuarsarneqarnissaa eqqarsaatigalugu kommunitut ataatsimoortumik tapiissutit qanoq pingaaruteqartigaat?
- c) Inuusuttut Danmarkimi ilinniarnermikkut ingerlatsisimasut Kalaallit Nunaannut utersarlugit Naalakkersuisut qanoq iliuseqartarpat?
- d) RAL-ip sinneqartoortaanit qanoq amerlatigisut assartuinnermut akit qaffanneqarnerannik pissuteqarpat? Taakku apparteqqinneqarnissaat eqqarsaatigineqarpa? Ukiuni aggersuni usit annertussusissaat eqqarsaatigalugit qanoq naatsorsuuteqartoqarpa?
- e) Ingerlatseqatigiiffinni allani Namminersorlutik Oqartussanit pigineqartuni – taaneqanngitsuni – ineriartorneq qanoq oqaatigineqarsinnaava? Ingerlatseqatigiiffiit ataasiakkaat tamarmik oqaaseqarfigeqquneqarput.

### 3.7. Immikkoortoq 3.4, EU-mik suleqatigiinnissamik isumaqatigiissut, qupperneq 94

- a) Aningaasaqarnermit aqutsinikkut iliussissatut pilersaarusiap siuarsarneqarnissaa pil-lugu Naalakkersuisut EU-llu akornanni isumaqatigiissusiortoqartoq aammalu iliussis-satut pilersaarummi tassani nunarput aningaasaqarnermit aqutsinermit tunngasuni si-uariarnissamut pisussaaffilerneqartoq Naalakkersuisut paasissutissiissutigaat. Iliussissatut pilersaarut sorsipianik imaqarnerseq Kalaallit Nunaannut qanoq kin-guneqassanersooq, tassungalu ilanngullugu "siuariarnissaq" qanoq nassuiaaser-sorneqassanersooq uuttortarneqassanersorlu erseqqinnerusumik nassuiaatigeqqullugit Naalakkersuisut ataatsimiititaliamit qinnuigineqarput.
- b) Suleqatigiinnissamik isumaqatigiissutaasimasunut atatillugu EU-p Naalakkersuisullu akornanni ataatsimiittoqartarsimasooq Naalakkersuisut paasissutissiissutigaat. Tama-tuma peqatigisaanik Naalakkersuisut paasissutissiissutigaat siunissami ilinniartita-nermut tunngasuinnaat pisortallu aningaasaqarnerinnaat pinnagit ataatsimut so-qutigisaqarfii amerlanerusut oqaloqatigiinnerni ingerlanneqassasut. Tassunga atatillugu sammisat sorliit oqaloqatigiissutigineqalersaarnersut paasissutis-siissutigeqqullugu Naalakkersuisut qinnuigineqarput.
- c) Aaqqiivigisariaqartunit arfinilinnik pilersaarut taaneqartoq imaqartoq Naalakkersuisut oqaatigaat. "Aaqqiivigisariaqakkat" arfinillit tamarmik suunerat oqaatigeqquneqar-poq. Aammattaaq suliaasaqarfinni taakkunanani arfinilinni tamani EU-p uparuagai sor-piaanersut itisileqquneqarput aammalu Namminersorlutik Oqartussat qanoq iliuler-saarnersut oqaatigeqquneqarluni.

### 3.8. Immikkoortoq 3.5, Aalisarnej, quppernej 95

- a) Pisuussutinik nutaanik pioreersunillu pitsaannerusumik atuilernerq qanoq annertutigisumik siuariartortitsisinnaasutut Naalakkersuisunit isigineqarpa? Taamatut siuariartortitsisinnaaneq atajuartitsinissamut ineriartortitsinissamullu Naalakkersuisut pilersaarutaanni qanoq annertutigisumik ilaatinneqarpa? Sinerissap qanittuani aalisarnerup aaqqissuussaananerani naleqqussaanaissaq pisariillisaanissarluk ukiorpasuaru oqaluuse-rineqarsimavoq. Tamanna qanoq pissarsiaqataasinnaasutut maanna Naalakkersuisunit isigineqarpa? Aalisartut ataasiakkaat isertitaqarsinnaanerak qulakkeerniarlugu sinerissamut qanittumi aalisarsinnaanermut akuersissutit Naalakkersuisut "amerlanerpaaffissaqartippaat" (oqaatigineqarpormi 200-inik ilaneqarnissaat naatsorsuutigineqartoq) imaluunniit pisassiissutit amerlineqaannarnissaat pilersaarutigineqarpa?
- b) Biologit siunnersuutigisaannut naleqqiullugu saarullittassiissutit tamarmiusut marloriaammik amerlanerusut Naalakkersuisut paasissutissiissutigaat. Tamanna Naalakkersuisunit isummerfigineqarsimasorinangilaq.  
Taamaattumik biologit siunnersuutaannut sanilliullugu taama annertutigisumik siunis-sami nikingassuteqartoqarnissaa naatsorsuutigineqarneruq imaluunniit ukiut marluk tulliuuttut iluini pisassiissuteqarnerni biologit siunnersuutaat Naalakkersuisunit malin-niarneruneqarnerusut ataatsimiititaliamit paaserusunneqarpoq.
- c) Naalakkersuisut quppernej 95-imi allapput aalisarsinnaasut amerliartornerat iluti-galugu sinerissamut qanittumi saarullinniarnerup qaleralinniarnellu akilersinnaas-susaat nakkariartussasoq, tamannalu taamaattumik inuiaqatigiit sinerissamut qanittu-mi aalisarnermiit iluanaarutissaannut ajortumik kinguneqassasoq.  
Tamatuma peqatigisaanik tusagassiorfinnit tusatsiarneqarpoq Aalisarnermut, Piniar-nermut Nunalerinermullu Naalakkersuisoq taama isumaqarnermut isumaqataanngit-soq.  
Assersuutigalugu tusagassiorfiit ima allapput:
- a. "-Tassa taamatut aningaasanut inatsisip saqqummiunneqarnerani missingi-ummi allassimasoqarnera uannut ilisarnartuunngitsoq oqaatigisariaqarpara."
- ...
- b. "- Oqallinnissamut tunngavissiaavoq. Aamma oqallinnermi qularutiginnigila-ra piviusut allassimalernerannik kinguneqartumik politikerit oqallikkumaar-tut."
- Aningaasanut inatsisissatut siunnersuut una Naalakkersuisunit isumaqatigiittunit saq-qummiunneqarsimanersoq paasinarsisinneqassasoq ataatsimiititaliamit kissaatigine-qarpoq.
- d) Quppernej 98-imi Naalakkersuisut allapput aappaatigut paatsuugassaagunangitsoq illua-tungeriit isumaqatigiinnngitsillugit politikikkut titarniliisoqartariaqartoq aalajan-giisoqarlunilu tamanit iluariinnarneqarsinnaanngitsunik. Naalakkersuisut taama oqar-nerat itisilerneqassasoq ataatsimiititaliamit kissaatigineqarpoq.
- e) Qupp. 99-imi allassimavoq pisassiissutit EU-mit aalisarneqarsinnaasutut Kalaallit Nunaannit neqeroorutigineqartut EU-p ukiut tamaasa akuersissutigisassagai aammalu aalisakkat piujuartitsinissaq tunngavigalugu atuinerup iluani EU-p isumaa malillugu illersorneqarsinnaasutut amerlassusillit EU-mit aallavittut taamaallaat akuerineqarsin-naasut.  
Pisassiissutit biologillu siunnersuutaasa akornanni annertuumik naapertuutinngit-soqarnera EU-mik niueqateqarnermut pitsaanngitsumik kinguneqarsinnaava?
- f) Quppernej 96-imi Naalakkersuisut ilaatigut paasissutissiippat qaleralinnik pisassiis-sutit qaffanneqarnerisa saniatigut sinerissamut qanittumi aqutsiveqarfiit iluini pisas-siissutitaqanngitsunik aalisarnissamut, peqassutsimut nanertuutaasussamik paggatas-

siisoqarsimasoq. Sinerissamut qanittumi aqutsiveqarfiit iluini pisassiissutitaqanngitsumik aalisarnermi pitsaaqutit peqassutsimut annertunerusumik nanertuinnermut illua tungiliuttut suoneri paasissutissiissutigineqassasut ataatsimiititaliamit kissaatigineqarpoq?

- g) Aalisarneq pillugu inatsisissamut nutaamut siunnersuummik ataatsimoortumik nutartikkamillu saqqummiussinissartik Naalakkersuisut qaqugu naatsorsuutigaa?
- h) Aalisarneq pillugu inatsisissamik ataatsimoortumik nutaamik piareersaalluni sulineq qanoq annertutigisussatut Naalakkersuisut naatsorsuutigineqarpa?
- i) Qulequttat sulii oqallisigineqartutut Naalakkersuisunit isigineqartut qupperneq 97-imi nalunaarsorneqarput.

Kingullertut taaneqartup, tassalu aalisarnerup iluani assigiiaarneq itisilerneqassasoq ataatsimiititaliamit kissaatigineqarpoq.

Kiisalu sulinerimik sungiusarnissamut inissaqartitsinissaq pillugu aalisarnermik ingerlataqartunut piumasaaqateqarsinnaanermut periarfissamik Naalakkersuisut naliliinisaat ataatsimiititaliamit kissaatigineqarpoq.

### 3.9. Immikkoortoq 4, Attassisinnaanissamut siuarsaanissamullu pilersaarut nutaaq, qupperneq 99

- a) Aaqqissuusseqqinnermi aqutissat, tassungalu ilanngullugu aaqqissuusseqqinnissami aqutissanut tunngavigineqartut, qulequtakkaarlugit Naalakkersuisunit qupp. 99-imi takussutissiarineqarput.

Takussutissiami immikkoortutut kingullertut taaneqarpoq "Atugarissaarnissamut ikiorsiissutinik aamma imminut pilersorerulernissamik siunissamut qulamaarinnineq". Immikkoortoq taanna qaqugu aallartinneqarsinnaasutut Naalakkersuisunit naatsorsuutigineqarpa?

- b) Amerlanerit sukkanerusumik ilinniagaqartarnissaat anguniagarineqarpat Piareersarfiit taama salliutillugit pingaartinneqarnerujussuat ataatsimiititaliamit eqqumiigineqarpoq. Inuusuttut kingusissukkut Piareersarfimmi aallartikkajupput, tamannalu ilinniarnannut sivitsorsaataasarluni. Inuusuttut sukkanerusumik ilinniagalersikkumallugit Piareersarfiit pinnagit periarfissanik allanik Naalakkersuisut peqannginnamik?
- c) Unammillersinnaaassuseqarneq Naalakkersuisut pitsanngortinnialersaarpaat. Unammillersinnaaassutsip pitsanngorsarnissaa anguniarlugu suliniutit aalajangersimasut qinigaaffimmi matumani aallartinneqartussatut pilersaarutigineqartut itisilerneqarnissaat kissaatigineqarpoq.

### 3.10. Immikkoortoq 5, Pisortat suliaasaqarfiini ilusiliineq, qupperneq 100

Allaffissornerup annikillisarneqarnissaanik allaffissornermullu aningaasartuutit ataatsimut isigalugu killilersimaarniarneqarnissaanik anguniagaqarneq Naalakkersuisut isumaat malilugu kommunit qassinngornissaannik kinguneqassava?

### 3.11. Immikkoortoq 6, Sanaartornermi immikkoortunut pilersaarut, qupperneq 101

- a) Immikkoortunut ingerlaavartumik pilersaarusiormermik oqarnermi suna pineqarpa?
- b) Qupperneq 102-mi Naalakkersuisut allapput "ilinniartitaaneq tassaaginnanngilaq illut aningaasaliissutillu, aammali ilaqutariinni najukkanilu assigiinngitsuni tapersersuinerulluni".

Taama oqarneq ataatsimiititaliamit qanoq paasineqassava? Tamanna ima paasineqassava; ilinniartitaanermut tunngasunut sanaartornermut aningaasaliissutit Naalakkersuisunit salliutinneqarniannngitsut?

- c) Atuarfiit illutaat ullutsinnut naleqqutinngitsut ingerlatsiveqarfinni allani illutanut ullutsinnut naleqqutinngitsunut sanilliullutik sulianut peqqissutsimullu ajornartorsi-utaanninnerusut Naalakkersuisut isumaqarpat?

3.12. Immikkoortoq 6.1, Nuna tamakkerlugu pilersaarusiormut nassuiaat, qupperneq 102  
Innuttaasut ikiliartornerat innuttaasut amerliartornerannut saatissagaanni periarfissat suu-nersut Naalakkersuisut maannangaaq takusinnaalereerpaat, tassami tamanna pillugu misis-sueqqissaarneq aallartinneqarmat?

3.13. Immikkoortoq 7.1.1, Inissianik aserfallatsaaliuineq, qupperneq 103

Naalakkersuisut paasissutissiipput inissiani ukiut arlaqanngitsut qaangiunneranni iserter-neqartussani akinik akissarsianillu siumut naatsorsuinerit eqqaassanngikkaanni ineqarnermut akiliutit qaffassanngitsut.

Ineqarnermut akiliutissaviup aammalu attartukkani isaterneqartussani ineqarnermut akiliutit qaffatsaaliukkat akornanni assigiinngissut kikkunnit akilerneqassanersoq paasissutissiis-sutigineqassasoq ataatsimiititaliamit kissaatigineqarpoq. Taama aalajangerneq qanoq akeqas-sasoq Naalakkersuisut naatsorsuutigaat? Attartukkani isaterneqartussani aningaasartuutit qaf-fannerannut ineqarnermut akiliut pissutaanerpaava imaluunniit kiassarnermut akiliutit pis-sutaaneruppat?

3.14. Immikkoortoq 7.1.3, Attaveqarneq – umiarsualiviit mittarfiillu, qupperneq 106

- a) Tullerriaarlugit nalunaarsornerisigut mittarfiliassat ataatsimut Naalakkersuisunit oqaatigineqarput, taakkununga ilaatigut ilaallutik Constable Pointip Ittoqqortoormi-inut nuunneqarnissaa aamma mittarfimmik 650 imaluunniit 1.199 meterinik takissusi-limmik sananissaq. Mittarfik 650 meterinik takissusilik 1.199 meterinullu tal-lineqarsinnaasoq pilersaarusiormeqarpoq. Naalakkersuisut paasissutissiipput taamaaliornikkut tallisaanerit qanoq immi akeqassanersoq misilinneqassasoq, tama-tumanilu ajunngitsumik business casemik suliaqartoqarsimanersoq paasinarsissasoq. Ittoqqortoormiini, Nerlerit Inaanni, Mestersvigimi nunamilu eqqissisimatitami atta-veqarnermut ataatsimoortumik Naalakkersuisut pilersaaruteqarnerisut paasissutissiis-sutigineqassasoq kissaatigineqarpoq.
- b) Aammattaaq partiinik ataasiakkaanik, kommuninik ingerlataqartunillu allanik susa-saqartunik oqaloqateqareernermi Naalakkersuisut pingaarnersiugaat allanngu-uteqarsinnaanersut paasissutissiissutigeqquneqarpoq.
- c) Qupperneq 107-imi Naalakkersuisut oqaatigaat mittarfeqarfiit aaqqissugaanerisa nu-tarterneqarnissaannut aningaasalersuineq immikkoortunik pingasunik tunngaveqas-sasoq.

Immikkoortut kingulliit marluk itisilerneqarnissaat ataatsimiititaliamit kissaatigi-neqarpoq. Ingerlatseqatigiiffiit Namminersorlutik Oqartussanit pigineqartut sorliit tu-nineqartussatut naatsorsuutigineqarpat?

”Aningaasatigut aaqqissugaanerup naleqqussarnera” Naalakkersuisut qanoq ingerlati-lersaarpaat?

Namminersorlutik Oqartussat amerlanerusunik taarsigassarsinissaanut qanoq periar-fissaqartigisoq Naalakkersuisut isumaqarpat?

3.15. Immikkoortoq 7.2, Ilinniartitaaneq, qupperneq 108

- a) Meeqqat ADHD-qartut Naalakkersuisut qanoq pilersaaruteqarfigivaat aammalu taak-ku ilinniarnermi ingerlaqqinnissaminni ilaatinneqarnissaat Naalakkersuisunit qanoq qulakkeerniarneqarpa?

- b) Naalakkersuisut qupp. 109-mi meeqqat atuarfiannut tunngasumi suliniuteqarfigisasatut toqqarneqarallartut tallimat nalunaarsorpaat. "Atuarfimmi avatangiisit" immikkoortunut tallimanut taakkununga ilanngunneqarnissaannik ataatsimiititaliap isumaliutaata Naalakkersuisunit oqaaseqarfigineqarnissaa ataatsimiititaliamit kissaatigineqarpoq?

3.16. Immikkoortoq 7.3, Peqqissutsimut pinaveersaartitsinermullu suliassaqarfik, qupperneq 109

Quppernermi 110-mi oqaatigineqarpoq atorerluisuunermut katsorsaariaatsimut allanngorannerusumut najukkanullu pituttorsimanerusumut aningaasanik immikkoortitsisoqarnissaa Naalakkersuisut sulissutiginiaraat. Suliami tamatumani assersuutigalugu Paarisa sanaluttarfiillu qanoq atuuffeqassanersut paasissutissiissutigeqqullugu Naalakkersuisut qinnuigineqarput.

3.17. Immikkoortoq 7.4, Inuussutissarsiutinut suliffissanullu suliassaqarfik, qupperneq 110

- a) Inuussutissarsiutinut suliffissanullu susassaqarfimmi suliniut suliffissaaleqineq apparinniarlugu nangingeqassasoq Naalakkersuisut paasissutissiissutigaat. Piareersarfinni ilinniartut suliffissaaleqisut pillugit kisitsisitigut paasissutissanut ilaatinneqarnerisut aammalu Piareersarfinnut aningaasaliissutit amerleriarujussuartinneqarnerat suliffissaaleqisut ikilisinniarlugit Naalakkersuisut suliniuteqarnerannut takussutissaanersuq paasissutissiissutigeqqullugu Naalakkersuisut qinnuigineqarput.
- b) Inuussutissarsiutinik siuarsaanermi suliniutit suliniutinut angisuunut sammitinneqarnerunissaat Naalakkersuisunit siunniunneqarsorinarpoq. Aallarnisaasuaqqat nunatsinni sumiiffinni illoqarfimmi anginerusunisut aningaasalersuisinnaasunik periarfissaqanngitsuni najugaqartut Naalakkersuisunit qanoq iliuseqarfigineqalersaarpat? Inuussutissarsiutinik siuarsaanermi aqqissuussinernut aningaasaliissutitigut atugasarititaasut amerliniarneqannginnerannut suna pissutaava? Isumaqartoqarpa pisari-aqartitat aningaasaliissutitigut matusserneqartut?

3.18. Immikkoortoq 7.5, Aalisarneq, piniarneq nunalerinerlu, qupperneq 111

Aallarteqqinnissamut tapiissuteqartarnermut periarfissap 2016-imi aningaasanut inatsimmit peerneqarnissaanik Naalakkersuisut siunnersuuteqarnerannut suna tunngaviua?

3.19. Immikkoortoq 7.6, Sillimmatit aamma missingersuutinik iluarsineq, qupperneq 112

Konto pingaarnermi 24.13.50-imi, akileraartarnermi akitsuusiisarnermilu isertitaqarnerulernissamut sillimmatitut tunngasumi, 2016-imit 96,5 mio. kr.-it isertitassatut sillimmasiunneqartut Naalakkersuisut paasissutissiissutigaat. 2015-imi aningaasanut inatsimmi allasimavoq Thule Air Basemi kiffartuussinissamut isumaqatigiisummi isertitassatut annaasasanut ataqatigiisillugit isertitassatut sillimmatit isigineqassasut. Tunngavilersuut taanna konto pingaarnermi matumani pineqartumit maanna peerneqarsimavoq. Tamanna itisileqqullugu Naalakkersuisut qinnuigineqarput.

3.20. Immikkoortoq 8.1, Inatsisitigut pisussaaffigalugit aningaasaliissutit, qupperneq 116

Naalakkersuisut paasissutissiipput ilinniartitaanermut tunngassuteqartuni siusinnerusukkut naatsorsuutigineqaraluartunit suliassakinnerulernerup kingunerissagaa konto pingaarnermut 40.91.31-mut, suliniutit aallaavigalugit tapiissutinut tunngasumut, aningaasartuutigissamaakkatut ilimagisat ikilisinneqarnerat, soorlu konto pingaarneq 40.02.06, ilinniarnermi tapiissutinut meeqqanullu tapiinut tunngasoq, eqqarsaatigalugu aamma taamaattoq. Pissutsit taamaannerat itisilerneqassasoq ataatsimiititaliamit kissaatigineqarpoq. Qanoq annertutigisu-



mik ikilerartitsisoqarpa aammalu ilinniartitaanermut pilersaarut tamatuminnga sunnerneqasava, taamaassimappallu qanoq? Suliassakinnerulerneq sumik pissuteqarneq ilisimaneqarpa?

#### **4. Takussutissiat**

##### **4.1 Sanaartugassat illoqarfinnut agguataakkat, qupperneq 140 -**

- a) 2015-imi aningaasanut inatsisissatut siunnersuutip suliarineqarnerani ataatsimiititaliap kissaatini utaqqissavaa, tassalu kommunit sanaartugassatut kissaataat pillugit takussutissiaq kingullertut suliarineqartoq nassiunneqassasoq. Naalakkersuisut kissaatigineqartunut akuersaarsimanersut takussutissiami nalunaarsorneqassasoq kissaatigineqarpoq.
- b) Sanaartugassatut kissaatit taakku ilaminiinnanngui Namminersorlutik Oqartussat aningaasalersueqataanerisigut kisimik piviusunngortinneqartarpata sanaartugassatut ukiumoortumik kissaatit suliarineqartarneranni kommunini nukissat annertuallaat maangaannartinneqartartut Aningaasaqarnermut Ataatsimiititaliaq isumaqarpoq. Suliassat nammatassallu agguataarneqarnerat pillugu isumaqatigiissut nutaaq Namminersorlutik Oqartussat annertunerusumik ataqatigiissaakkamik aningaasalersueqataanisannik anguniagaqarnermut siuarsaataasutut isigineqarnersoq paasissutissiissutigineqassasoq kissaatigineqarpoq.

## 5. Suliassaqarfik 10 - 12 Naalakkersuisut Siulittaasuat

5.1 Konto pingaarneq 10.01.27 Saammaateqatigiinnissamut Isumalioqatigiissitaq  
Saammaateqatigiinnissamut Isumalioqatigiissitap innuttaasunik peqataatitsilluni ingerlataasa killiffia pillugu takussutissiap tignissaa ataatsimiititaliamit kissaatigineqarpoq.

5.2 Konto pingaarneq 10.06.27 Suliffissuaqarnermut pilersaarutininut annernut atatillugu arlaannaannulluunniit attuumassuteqanngitsumik paasiniaasussanut aningaasanik tapiissutit  
Misissuinissamut aammalu aatsitassanut suliffissuaqarnermullu pilersaarutininut atatillugu imikkut ajornartorsiutaasinnaasut qulaajarniarlugit sunnersortissarsiornissamut kiisalu pilersaarutip inuiaqatigiinnut avatangiisinullu sunniutigisinnaasai pillugit ataatsimiinnissamut aningaasaliiffigitinnissamut nunatsinni innuttaasut, sumiiffinni najugaqartut, tusagassiorfiit aammalu suleqatigiiffiit qinnuteqarsinnaasut missingersuutininut ilanngussami allassimavoq.

- a) Aningaasaliissutit sapinngisamik pissarsiviunerpaamik atorneqassasut ataatsimiititaliap neriutugaa. Taamaattumillu aningaasaliissutit siunertanut attuumassuteqartunut qanoq annertutigisumik atorneqarnerat paasissutissiissutigineqassasoq ataatsimiititaliamit kissaatigineqarpoq.
- b) Kikkut siunertanullu sunut qinnuteqarsimanersut paasissutissiissutigineqassasoq ataatsimiititaliamit kissaatigineqarpoq.
- c) Naalakkersuisut naliliinerat malillugu aningaasanik naammattunik immikkoortitsisoqarsimanersoq imaluunniit aningaasaliissutit amerlineqarnissaat pisariaqartinneqarnersoq paasissutissiissutigineqassasoq ataatsimiititaliamit kissaatigineqarpoq.

5.3 Konto pingaarneq 10.10.10 Naalakkersuisut

- a) Konto pingaarnermi matumani aningaasanik atuineq pillugu kaajallaasitap assilineranik pissarsinneqarnissani ataatsimiititaliap inussiarnersumik qinnutigaa.
- b) Pisortat suliassaqarfiannut kaajallaasitanik ataatsimoortunik suliaqarnissaq nutarterisarnissarlu taamaatiinnarneqarsimava?

5.4 Konto pingaarneq 10.13.10 Iluanaarutit, aktianit piginneqataaffinniit piginneqataasutit tunisinerillu

Kontomi matumani 2018-imi aamma 2019-imi isertitat amerlinissaannut Naalakkersuisut naatsorsuutiginninnerannut tunngavissat suut pissutaappat? Tamatumunnga pissutaappat ingerlatseqatigiiffinnik tunisinermut ataasiartumik aningaasartuutit imaluunniit ingerlatseqatigiiffiit ataasiakkaat siuariartornissaannik naatsorsuutiginninneq, taamaassimappallu sorlerni? Paasissutissat piumaneqartut isertuuttariaqarnissaat ataatsimiititaliamit ilisimaneqarpoq, tamannalu soorunami ataqineqassalluni.

5.5 Konto pingaarneq 10.13.11 Aktiaateqarluni ingerlatseqatigiiffinnut toqqaannartumik aningaasartuutit

Great Greenlandimi aningaasaqarnikkut ineriartornissaq Naalakkersuisunit qanoq naatsorsuuteqarfigineqarpa?

## 6. Suliassaqarfik 20 - 24 kiisalu 66-67 Aningaasaqarnermut Aatsitassanullu Naalakkersuisoq

### 6.1 Konto pingaarneq 20.05.20 Kommuninut ataatsimoortumik tapiissutit

Ataatsimoortumik tapiissuteqariaaseq naligiissaareriaaserlu nutaaq pillugu ataatsimiititaliap Naalakkersuisoq siunersiorpaa. Missingersuutininut ilanngussami allassimavoq periusissaq nutaaq 2019-imi atortuulersinneqartussanngorlugi sulineq taanna naammassineqassasoq. Tassunga atatillugu kommunit agguataarneqarnerat pillugu oqallinneq ungasinnerusoq isigalugu saneqqukkuminaatsoq ataatsimiititaliaq isumaqarpoq.

- a) Kommunit agguataarnerannik allannguneq, taassuma kommunit amerlinerannik ikilinerannilluunniit nassataqarnissaa apeqqutaatinnagu, ataatsimoortumik tapiissuteqariaatsimut naligiissaariaatsimullu maanna atuuttumut quppernerlu 205-imi allassimasumut qanoq sunniuteqarsinnaava?
- b) Kommunit amerlassusissaattut kissaatigineqartut pillugit Naalakkersuisut anguniagaat suuppat aammalu ukiut missingersuusiorfiusut ingerlanerini allannguisoqarsinnaanera Naalakkersuisunit naatsorsuutigineqarpa?

6.2 Konto pingaarneq 20.05.31 Kommunini aningaasartuutaanerusussanut immikkoortitat  
Immikkoortitat ikittuararsuorinarput. Misissueeqqissaarluni sulinerlut akisugajuttumut aningaasartuutaanerusut matussuserneqarnissaannut aningaasaliissutit naammattutut Naalakkersuisunit isigineqarpat?

### 6.3 Konto pingaarneq 20.05.40 Naalagaaffiup ataatsimoortumik tapiissutai

- a) Aningaasanut inatsiseqarfimmi 2016-imi ukiunilu missingersuusiorfiusuni Danmarkimi Kalaallillu Nunaanni aningaasat naleerukkiartornerisa assigiinngissuteqarnerata kingunerisaanik ataatsimoortumik tapiissutit nalingisa ajorseriarnissaannut Naalakkersuisut naatsorsuutigisaat paasissutissiissutigineqassasut ataatsimiititaliamit kissaatigineqarpoq.
- b) Namminersorneq 2009-mi eqqunneqarmalli nunatsinni aningaasat pisissutaasinnaanerat qanoq annertutigisumik appariaateqarsimava?
- c) Aningaasat naleerukkiartornerisa taama assigiinngissuteqarnerat inuiaqatigiit aningaasaqarnerannut allatigut qanoq sunniuteqarpa?
- d) Pisortat atuinerat aningaasat naleerukkiartornerannut qanoq annertutigisumik sunniuteqarpa aammalu aningaasat naleerukkiartornerat Kalaallit Nunaata nunanit allanit ataatsimoortumik tapiissutinit EU-millu suleqateqarnissamik isumaqatigiisummit isertitatut pissarsiarisartagaasa annaasaqaataasarnerrannut qanoq annertutigisumik sunniuteqartarpa? Aningaasat naleerukkiartornerat annertungaatsiarloq apparsarniarlugu Naalakkersuisut qanoq piviusorsiorfumik periarfissaqarsoraat?

### 6.4 Konto pingaarneq 20.10.11 Ilanngaaseereerluni erniat

2016-imit 2017-imut aammalu 2018-imut kisitsisit nikerarnerannut suna pissutaava?

### 6.5 Konto pingaarneq 20.10.42 Kommuninut taarsigassarsiarititat, akilersuineq

Assigiinngitsunut tunngatillugu nunatta karsianut akiitsunut atatillugu erniat annertussusissaat Naalakkersuisunit qanoq aalajangersarneqartarnerasoq paasissutissiissutigineqassasoq ataatsimiititaliamit kissaatigineqarpoq?

### 6.6 Konto pingaarneq 20.11.51 Aqqissuusseqinnerit sunniutaat

- a) Maanna isertitat malillugit ineqarnermut tapiissutinik isumaginninnermilu ikiorsiisutinik allanik tunniussisarneq 2016-imit ukiumoortumik 20 mio. kr.-inik sipaar-

teqarfiussasoq Naalakkersuisut naatsorsuutigaat. Taamatulli sipaaruteqarnissap naatsorsuutigineqarnera kont pingaarnermi 30.11.10-mi, ineqarnermut tapiissutinut tunngasumi, allassimangilaq. Aningaasat sillimmatinut kontomi matumani ilanngunneqarsimagaluartut paasissutissaq tamanna konto pingaarnermi 30.11.10-mi allasimasariaqassanngila?

- b) Siunissami aaqqissuusseqqinnermi iliuusissat arfineq marluk Naalakkersuisunit taaneqarput. Iliuusissat taakku piffissani taaneqartuni aallartinneqarsinnaanissaat Naalakkersuisunit qanoq qulakkeerniarneqarnerasoq paasissutissiissutigineqassasoq ataatsimiititaliap kissaatigaa.
- c) Inatsisitigut tunngavissat sulii inissinneqanngitsut iliuusissat aningaasatigut kingunerisassaannik naatsorsuinermi tunngavissat pisariaqartinneqartut Naalakkersuisunit qanoq qulakkeerneqarsimappat?
- d) Pappialanik nalilinnik iluanaarutit akileraarusersorneqarnerat pillugu oqaatigineqarpoq, taakku akileraarusersorneqartalerneqarsigut iluanaarutitik allanik akileraarusersuisarnermut pitsaanerusumik naapertuuttoqalissasoq. Oqaatsip "naapertuuttoqalissaaq" atorneqarnera qanoq isumaqartinneqarpa?
- e) Pappiaqqat nalillit sorliit akileraarusersorneqarnissaat kissaatigineqarnerasoq allasimangilaq. Tamanna paasissutissiissutigineqarpoq.
- f) Assersuutigalugu pigisanik aalaakkaasunik niueruteqarnermi aningaasaliissutinut iluanaarutit allat akileraarusersornissaat pilersaarutaava? Tassunga ilanngullugit akileraarusersuinikkut assigiissaarinerup pissusissamisoortumik nassatarisaatut pigisanik aalaakkaasunik niueruteqarnermi annaasat ilanngaatigineqarsinnaanerit? Tassunga atatillugu assersuutigalugu boligstøtte aqutugalugu illuliat qanoq ilillugit ilanngutilersaarneqarpat?
- g) Aningaasaliissutinut iluanaarutitik akileraarusersuinerup atuutsinneqalernera aningaasaliisartut nunatsinneersut nunanillu allaneersut aningaasaleerusussuseqarnerannut qanoq sunniuteqassanngatinneparpa?
- h) Pensionisiaqalernissamat ukioritinnepartut qaffanneqarnissaat tamatumalu peqatigisaanik suliiinnarnissap pilerinarnerulersinneqarnissaa pilersaarutigineqarput. Taamatut pilersaaruteqarnerup inuusuttut amerlanerusut suliffeqalersinniarlugit suliffissaaleqinerlu nalinginnaasumik annikillisarnerlugi sulineq pitsaanngitsumik sunniuteqarfigissavaa?

#### 6.7 Konto pingarneq 20.11.56 Missingersuutitik iluarsineq, allaffissorneq

- a) Allakkanik digitalikkut allagarsisarnissamat ikaarsaarnissaq kissaatigineqartoq Naalakkersuisut oqaatigaat, erseqqissarluguli inuit pillugit paasissutissat pillugit inatsisissamat toqqaannartumik attuumassuteqartoq. Tamanna itisilerneqassasoq ataatsimiititaliamit kissaatigineqarpoq.
- b) Allakkanik digitalikkut allagarsisarnissaq innuttaasut qanoq amerlatigisut piareersimaffigineraat misissorneqarsimava?
- c) Digitaliseeriinissaq pilersaarutaasup nunatsinni piffinni assigiinngitsuni kiffartuussinermut attaveqarsinnaassutsimullu siunertaanngitsumik pitsaanngitsumillu sunniuteqarsinnaanera Naalakkersuisunit isumaliutigineqarsimava, assersuutigalugulu sumiiffiit satellititik attaveqarfiusut attaveqarfigineqarsinnaassusiat imaluunniit innuttaasut internetimik atuisinnaanngitsut eqqarsaatigalugit? Taamaassimappat ajornartorsiutit taamaattut qanoq sulissutiginiarneqarpat?
- d) Inissigallartarnermik sulisunullu inissianik aqutsinerup ataatsimoortinneqarneratigut 2017-imit ukiumoortumik ½ mio. kr.-inik sipaaruteqartoqassasoq Naalakkersuisut nalilippat. Sipaarutissat taakku kontoni pingaarnerni pineqartuni allasimasat ataatsimiititaliamit takuneqarsinnaanngilaq (20.20.09 aamma 34.10.01).

- e) Peqqissutsimut Pitsaaliuiner Mullu aqutsisoqarfik inissiigallartarnermut sulisunullu inissianik aqutsinermut ukiumoortumik qanoq atuisarnermaq paasissutissiisutigin eqassasq ataatsimiititaliamit kissaatigineqarpoq.
- f) Illuutiniq ingerlatsineq aserfallatsaalinerlu qitiusumit ingerlanneqalissasq siunersuutigin eqarpoq. Sutigit sipaaruteqartoqarnissaa naatsorsuutigin eqarpa? Suliassaqarfiit sorlerpiaanuku ataatsimoortinniarneqartut? Suliassaq taanna Sanaartornermut, Inissianut Attaveqarnermullu Naalakkersuisoqarfimmit isumagineqariinnginnami?
- g) Sipaarutissat tamarmiusut oqartussaaffeqarfinni ataasiakkaani sipaarutissatut ilanngunneqarsimasorinangillat. Soq tamanna pisimangila erseqqinnerusumilluunniit nassuiarneqarsimangila? Aaqqissuusseqqinnerit sorliit ingerlanniarneqarnermut taakulu qanoq atuutsinniarneqarnermut Naalakkersuisunit oqaluuserineqassasq ataatsimiititaliamit naatsorsuutigin eqarluinnarpoq.

#### 6.8 Konto pingarneq 20.11.61 Ilinniartitaanermut sillimmatit

Killiffik pillugu nalunaarut kingulleq nassiuunneqassasq ataatsimiititaliamit kissaatigineqarpoq.

#### 6.9 Konto pingarneq 20.11.70 Suliniutinut nutaanut sillimmatit

Siunissami neqeroorut tamanit ingerlanneqarsinnaassappat atornerluisunik katsorsaasarnermik neqeroorutit annertussusissaa pillugu qaqugu aalajangiisoqassasq Naalakkersuisunit naatsorsuutigin eqarpa?

#### 6.10 Konto pingarneq 20.12.12 Aningaaseriveqartitsineq

Teknologiikkut aaqqissuusnaanikkullu aaqqiissutissat kiffartuussinissamik isumaqatigiisuteqartariaqarnermut annikillisaataasinnaasut ingerlanneqarnerat sumut killippa?

#### 6.11 Konto pingarneq 20.30.01 Aningaasaqarnermut Sulisoqarnermullu Aqutsisoqarfik, ASA, allaffissorneq

Pisortat pisiortorneranni aningaasartuutit ikilisinneqarnissaat siunertaralugu Namminersorlutik Oqartussat pisiortornermut politikimik suliaqarnissaat atuutsitsilernissaallu missingersuutinut tapiissutinik tunniussinissamut piumasaqaatit EU-mut isumaqatigiissutaasq ataatsimiititaliap ilisimalluinnarpaa. Tamanna ataatsimiititaliamit soorunami tamakkiisumik tapersorsorneqarpoq. Namminersorlutik Oqartussat pisiortornerut periusissiaat, 2013, nutarterneqarsimava aammalu Namminersorlutik Oqartussat pisiortornermut politikiat taamanili allannorsimava?

#### 6.12 Konto pingarneq 20.30.11 Namminersorlutik Oqartussat illuutaannik aserfallatsaaliuineq

- a) 2016-imut suliassamut kisitsisinut takussutissiap assinganik takussutissiortoqassasq ataatsimiititaliap kissaatigaa, tassani 2015-imi augustip naanerani aningaasartuutit aammalu illuutit qupperneq 240-mi allassimasut nalingat nalunaarneqassallutik.
- b) Illut sorpiaat pineqarpat? Sumi inissisimappat? Siusinnerusukkut sumut atorneqarsimappat maannalu sumut atorneqarpat kiisalu illut qanoq pilersaaruteqarfigineqarpat? Nuna tamakkerlugu, kommunit soqutigisalluunniit allat naapertorlugit illut eqqissisimatitaappat allanngutsaaliugaappalluunniit?
- c) Pitsaassusiat qanoq ippa?
- d) Illut aserfallatsaaliinikkut kinguaattoorfiuppat? Taamaassimappat tamanna qanoq iliuuseqarfiginiarneqarpa? Pisariaqartitsinermut saniliullugu aningaasat immikkoortitat maanna qanoq amerlatigippat?

- e) Allaat illuutit Nuumiittut aserfallatsaaliinikkut kinguaattoorfiusimanerat aammalu maanna aningaasaliisoqartaraluartoq illutit nalingat sulii appariartuaarmat ilumoornerarneqarsinnaava? Taamaassimappat illuutit aserfallatsaaliinikkut naammagi-nartumik pitsaassuseqalersinneqassappata, tamatumalu kingorna peqqussutaasut ma-lillugit aserfallatsaaliorneqartassappata aningaasanik allanik qanoq amerlatigisunik immikkoortitsisoqartariaqartassanersoq paasissutissiissutigeqquneqarpoq.
- f) Namminersorlutik Oqartussat illuutaannik peqqussutaasut malillugit aserfallatsaaliu-nissamut iluarsaanissamullu pilersarusiorneq suliffissaqartitsiniarnermut lærlinginil-lu ilinniartitsinermut pitsaasumik sunniuteqarsinnaasoq tamakkiisumik eqqunngin-nerarneqarsinnaava?

6.13 Konto pingaarneq 24.01.02 Kalaallit Nunaanni Aalisarsinnaanermut Akuersissutinik Nakkutilliisoqarfik aamma Piniarnermik Nakkutilliisoqarneq

- a) KANUAANA-p kontomut pingaarnermut matumunnga nuunneqarneranut tunngavi-  
usoq naatsumik nassuiaatigineqassasoq ataatsimiititaliamit kissaatigineqarpoq.
- b) Tamanna qanoq pitsaaquteqartussatut naatsorsuutigineqarpa? Suliassaqaqarfinnik al-lannguinerup pissusissamisoortumik kingunerisai pitsaanngitsut qanoq ittut akuer-saarneqartariaqarsimappat?
- c) Tamatuma saniatigut naalakkersuisooqatigiit nutaat pilersinneqarnerisa kingorna Naalakkersuisoqarfiit akornanni nuussinerit allat suut ingerlanneqarsimanersut pillugu takussutissiaq ataatsimiititaliamit kissaatigineqarpoq.

6.14 Konto pingaarneq 24.01.16 Sulisitsisunit annaasat

Konto pingaarneq 24.01.20, akileraarutinut akiliisitsissutinut tunngasoq, assigalugu kontomut pingaarnermut matumunnga inatsisitigut tunngaviup allanneqarnissaa ataatsimiititaliamit kissaatigineqarpoq.

6.15 Konto pingaarneq 24.01.20 Akileraarutinut akiliisitsissutit

Unioqutitsinerit pingaarnerit marluk taaneqartut ataanni akiliisitsissutit aningaasartaat qanoq amerlatigippat?

6.16 Konto pingaarneq 24.10.10 Nuna tamakkerlugu akileraarut

- a) Nuna tamakkerlugu akileraarutit, nuna tamakkerlugu immikkut akileraarutip kiisalu ingerlatseqatigiiffiit akileraarutaasa annertussutsimikkut piffissami aggersumi qanoq ineriartornissaannut Naalakkersuisut qanoq naatsorsuuteqarpat?
- b) Danskisuuani immikkoortoq 4-mi oqaatsip "men"-ip kingorna uniffik amigaataavoq.
- c) Piffissami 2016-17-imi ingerlatseqatigiiffiit akileraarutit akiliutaat 54 mio.-init 39 mio.-inut ikileriarnissaat naatsorsuutigineqartoq suliassami kisitsisini allassimavoq. Ikileriaammut suna pissutaava?

6.17 Konto pingaarneq 24.10.11 Nuna tamakkerlugu immikkut akileraarut

Pituffimmi sakkutooqarfimmi sulisut akileraarutaannit isertitat konto pingaarnermi matumani isertitatut kisimik nalunaarneqartartut ataatsimiititaliap nalunngilaa. Sakkutooqarfimmik isumaqatigiissutip annertuumik nalornissutigineqarnera kingunerisaanik isertitassatut missin-gikkat ukiumoortumik 65 mio. kr.-inut Naalakkersuisut ikilivaat, tamannalu ataatsimiititaliap isornartussaqaqartinnngilaa. Taamaakkaluartoq isertitassatut taama missingiinnermut tunuli-aqutaasoq Naalakkersuisut itisilersinnaavaat?

6.18 Konto pingaarneq 24.11.13 Umiarsualivimmiinnermut akileraarutit

Umiarsualivimmiinnermut akileraarutit ukiorpaalunni iluarsivigineqarsimangitsut oqaatigineqassaaq. Tassunga atatillugu UPA 2012/60-imut isumaliutissiissutini ataatsimiititaliap innersuussutigissavaa, tassani umiarsualivimmiinnermut akileraarutit annertussusiat aammalu akileraaruteqarfiusussaangitsutut atuuttunut tunngavigineqartoq ataatsimiititaliamit sammi-neqarput.

- a) Isumaliutissiissummi taaneqartumi ataatsimiititaliap inassuteqaatai Naalakkersuisunut ullumikkut qanoq isumaqarfigineqarpat?
- b) Umiarsualivimmiinnermut akileraarutitik allanngukkanik akiliisitsiniarnissamut umiarsualiviit pillugit inatsimmi nutaami piginnaatitaanertik Naalakkersuisut atulersaarpaat?
- c) Angallatit motorillit tingerlaatersortullu mikinerit nammineq pigisat umiarsualivimmiinnermut akileraaruserneqarnissaat kissaatingineqarpat?

#### 6.19 Konto pingaarneq 24.11.14 Naqissusiinnermut akitsuutit

Innuttaasut namminerisaminnik ineqalernissaminnut periarfissaannik siuarsaanissaq Naalakkersuisunit kissaatingineqarpoq. Tassunga atatillugu naqissusiinnermut akitsuut pisut ilaanni annertuumik aningaasartuutaasinnaasarpoq. Naqissusiinnermut akitsuutit ukiuni aggersuni annikillisinnaannut aningaasaliissutitigut Naalakkersuisut periarfissaqarsoraat?

#### 6.20 Konto pingaarneq 24.11.17 Aningaasanik ikisilluni pinnguaatinut akileraarutit

- a) Aningaasanik ikisilluni pinnguaatit iluanaaruteqaataasartut M 2019-ip ataani 91 mio. kr.-inik iluanaaruteqaataasasut naatsorsuutigineqarpoq. Tamanna naqinnerluinermik pissuteqartoq ataatsimiititaliap ilimagissavaa?
- b) Naak iluanaarutit ikiliartuaartut 2013-2014-imit kisitsisinit takutinneqaraluartut 2015-imi, 2016-imi ukiunilu missingersuusiorfusuni isertitat amerlinissaat soq missingersuutigineqarpat?

#### 6.21 Konto pingaarneq 24.11.20 Akitsuutit, akiliilluni piniarneq aalisarnerlu

Umiarsuit tingerlaatersortut angallatillu allat nunanit allaneersut nunatta imartani akulikitsumik takussaasarput. Angallatit qanoq ittut nunatta imartaani ingerlaartut tamakkerlutik – angallatit taakku sinerissami najugaqarfiit avataanni nunalikkaangamik sulerinersut - Naalakkersuisunit nakkutilliivigineqarpat?

#### 6.22 Konto pingaarneq 24.11.25 Avataani aalisarnermit qaleralinnut akitsuut

Immikkoortoq 3.5-imut siuliani allassimasumut, aalisarnermut tunngasumut, tunngatillugu sinerissamut qanittumi aqutsiveqarfiit iluini pisassiissutitaqanngitsumik aalisarneq qanoq pitsaaquteqarnersoq paasissutissiissutigineqassasoq ataatsimiititaliap kissaatigaa.

- a) Sumiiffinnik pisassiissutitaqanngitsumik aalisarfiusinnaasunik pilersitsinermi nunatta karsiata isertitaqarnissaanik qulakkeerinninneq siunertaasimappat sumiiffinni pisassiissutitaqanngitsumik aalisarfiusuni aalisakkat pisinneqarsinnaasut amerleqqineqarnissaat naatsorsuutigineqarsinnaava?
- b) Sumiiffinnik pisassiissutitaqanngitsumik aalisarfiusunik pilersitsineq sumiiffinni taakkunani aalisarnerulernermik, tamatumalu nassatarisaanik sumiiffinni pineqartuni aalisakkat ikileriarnernannik immaqalu nungunneqarnerannik nassataqarsinnaasooq Naalakkersuisut qularutiginaagu eqqunnginnerarsinnaavaat?
- c) Siuliani c)-mi isumakuluutigineqartoq isumakuluutigineqartariaqanngitsoq Naalakkersuisut tamakkiisumik uppersarsinnaanngippassuk ukiuni missingersuusiorfusuni isertitassatut missingikkat tamatumangga pitsaanngitsumik sunnerneqarsinnaanersut paasissutissiissutigeqquneqarpoq.

6.23 Konto pingaarneq 24.11.26 Avaleraasartuunut akitsuut

- a) Sinerissamut qanittumi avaleraasartuunik aalisarnermi assigiinngisitaartumik akitsuusersuisoqarsinnaanera Naalakkersuisunit isumaliutigineqarsimanersoq ataatsimiititaliap AIS 2015-imik suliaqarnerminut atatillugu apeqqutigaa. Kalaallinik suliffissaqartitsinissap siuarsarneqarnissaa aammalu pisaqarsinnaassutsip ineriartortinnissaa siunertaralugit akitsuutit assigiinngisitaartinneqarnissaat, taamaalil-lunilu kalaallit angallataasa angallatinit nunanit allanit attartorneqartunit appasinneru-sumik akitsuuteqartinneqarnissaat pilersaarutigineqartoq Naalakkersuisut paasissutis-siissutigaat. UKA 2015/21-imik saqqummiussineq pilersaarummik tamatumingna Naalakkersuisut piviusunngortitsinerattut ataatsimiititaliamit isigineqassava?
- b) Ukioq manna avaleraasartoorniarneq eqqarsaatigalugu 2015-imi isertitassatut missin-gikkat ammut iluarsinissaat, tamatumalu kingunerisaanik AIS-ip appasaaneerneqar-nissaanut siunnersuuteqarnissaq naatsorsuutigineqarpa?

6.24 Konto pingaarneq 24.13.50 Akileraartarnermi akitsuusiisarnermilu isertitaqarneruler-nissamut sillimmatit

Thule Air Basemik sullissinermi kiffartuussinissamik isumaqatigiissutip ingerlatseqatigiif-fimmut amerikamiunik pigineqartumut tunniunneqarsimanera AI 2015-imi isertitassatut sil-limmatit matumani pineqartut pisariaqartinneqarnerannut pingaarnertut tunngavilersuutigi-neqarsimavoq. Tunngavilersuut taanna maanna peerneqarsimavoq sillimmatillu anin-gaasartaat amerlineqarsimallutik. Taarsiullugu allassimavoq akitsuutinut siunnersuutissanik UKA 15-imi saqqummiussisoqassasoq. Siunnersuutit inatsisissanut ilaatinneqartut pillugit isumaliutissiissutissamisut naatsorsuutigisamini akitsuutissat taakku ataatsimiititaliap immik-kut sammissavai, tamatumanilu aningaasatigut kingunerisassat inatsisissatut siunnersuutini pineqartuni aningaasatigut kingunerisassat allaaserineqarneranni taaneqartut ataatsimiititali-amit immikkut maluginiarneqarput (UKA 15/99&100).



## 7. Suliassaqarfik 27 - Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq

### 7.1 Konto pingaarneq 27.01.03 Northern Periphery and Arctic-imut Kalaallit Nunaata tapersiissutai

AIS 07-ip aappassaaneerneaqarnissaanut Aningaasaqarnermut Ataatsimiititaliap isumaliutis-siissutaani konto pingaarnerup matuma ataani ataatsimiititaliaq ilaatigut ima allappoq:

*”Det fremgår af Landsstyrets besvarelse, at Grønland i 2001 til 2006 har indbetalt 2,84 mio. kr. i bidrag. Ud fra denne investering har Grønland fået adgang til projektresultater til en værdi af ca. 75 mio. kr. Det fremgår endvidere, at vores Vestnordiske partnere i tilfredshed med programmet ønsker at øge deres bidrag i de kommende år.”*

Aningaasaliissutit maanna pissarsissutaasarnerat taamani pissarsissutinut siuliani issuarneqar-tunut sanilliullugit Naalakkersuisunit qanoq nalilerneqarpat?

### 7.2 Konto pingaarneq 27.01.07 Inuit Circumpolar Council

Konto pingaarnermi siuliani taaneqartumi 27.01.03-mi missingersuutinut ilanngussami allas-simavoq suliniutit iluini suleqatigiinneq aqqtugalugu Kalaallit Nunaata ilisimaligai tamarmi-usut aallaavigalugit aamma Kalaallit Nunaata nunat tamat suleqatigiinnerinut peqataaneruler-nera aallaavigalugu suliniutit aningaasaqarnikkut suliatiqullu pissarsiatut isigineqassasut.

- a) Kontomi pingaarnermi 27.01.03-mi Northern Periphery and Arctic-imut (NPA) Ka-laallit Nunaata tapersiissutaasa kontomilu pingaarnermi matumani aningaasaliissutit imminnut sanillersuunneqarnissaat tunngavissaqartut Naalakkersuisunit isigi-neqarpa?
- b) NPA-mut tapersiissuteqarnermi iluaqutitut pissarsissutit assinginik kontomi pingaar-nermi matumani aningaasaliissutit Namminersorlutik Oqartussanit pissarsissutaasin-naasut Naalakkersuisut isumaqarpat?
- c) ICC Danmarkimi suli allaffeqartoq ilumoorpa?
- d) Aningaasaliissutit pissarsissutigineqarnerannut uppersaatissatut ukiumoortumik naatsorsuutunik ICC ulloq suna kingullermik tunniussiva? Ukiumoortumik naatsor-suutit kingulliit assilinerat apeqqutip matuma akineranut ilanngullugu nassi-uteqquneqarput.

### 7.3 Konto pingaarneq 27.01.09 Kalaallit Nunaata Washington D.C.-mi Sinniisoqarfia

Beilingimi Kalaallit Nunaata Sinniisoqarfianik ammaanikkut Kinamik niueqateqarnerup ni-uernikkut aningaasalersuinikkullu iluaqutissarsiffiginissaa pillugu Naalakkersuisut ungasis-sumut isigisumik pilersarusiornissamat periarfissinneqassasut AIS 2015-ip suliarineqarnera-nut atatillugu Naalakkersut paasissutissiissutigaa.

- a) Tamanna ima isumaqarnerluni Kinami sinniisoqarfimmik pilersitsineq aningaasaqar-nikkut pitsaaqutinik pitsaanngequtinillu sunik nassataqassanersoq Naalakkersuisunit maannangaaq isumaliutigineqalereersoq?
- b) Ingammik USA-mi Canadamilu niuernikkut soqutigisanik annertusaaneq sooq suli suniutigineqarpa? Danmarkip saniatigut niuernikkut suleqatigisartakkavut annerit tas-saappat USA aamma Canada?
- c) Washingtonimi sinniisoqarfiup maannamut angusai sorpiaappat? Taasarialinnik an-gusaqartoqarsimangippat sinniisoqarfiup ukioq manna maannamut ingerlaasa nas-suiaatigineqarnissaat taarsiullugu kissaatigineqarpoq.

## **8. Suliassaqarfik 30 Ilaqutariinnermut, Naligiissitaanermut Isumaginninnermullu Naalakkersuisoq**

### **8.1 Konto pingaarneq 30.01.01 Ilaqutariinnermut, Naligiissitaanermut Isumaginninnermullu Naalakkersuisoqarfik**

Kommunit isumaginninnikkut suliassanik ingerlatsinerat, Namminersorlutik Oqartussat kommuninik nakkutilliarernerata kingunerisaanik annertuumik uparuarneqartoq, ukioq kingulleq oqallisigineqangaatsiarpoq. Tamatumunnga aaqqiissutissatut Qitiusumik Siunnersuisarfik pilersinneqarpoq. Pilersitsineq nutaaliornertut saqqummiunneqarpoq. Soorliuna tamanna suliassaqarfimmu aningaasartuutitigut ersersinneqanngitsoq? Tamanna ima paasineqassava; meeqqanut inuusuttunullu kinguaassiuutitigut kanguttaatsuliorfigineqarsimasunut atatillugu Saaffiup sulineranut aningaasat siusinnerusukku atorineqartartut maanna Qitiusumik Siunnersuisarfimmu tunniunneqartalersut?

### **8.2 Konto pingaarneq 30.01.12 Danmarkimi eqqartuunneqarsimasunik oqaloqatiginnit-tartoqarneq**

- a) Konto pingaarnermi matumani suliassami kisitsisinut takussutissiaq ataatsimiititaliamit ujarorneqarpoq.
- b) Suut aningaasartuuteqaataanerpaasarpat?

Suliap killiffiata paasissutissiissutigineqarnissaa ataatsimiititaliamit kissaatigineqarpoq.

### **8.3 Konto pingaarneq 30.10.36 Erninermi ullormusiat**

- a) Angajoqqaat erninermut atatillugu sulinngiffeqartarneranni sinaakkusiussat, minnerunngitsumillu erninermut atatillugu aningaasaliunneqartartut Naalakkersuisunit pitsanngorsarneqalersaarpat?
- b) Naalakkersuisut isumaat malillugu meeqqat ullumikkut inunngortartut ima amerlasuseqarpat ukiut 30-it iluini inuiaqatigiit ineriartornerannut isumalluutigineqarnissaminnut naammallutik – matumani immikkut eqqarsaatigineqarput ukiuni qulikkaani aggersuni utoqqaat – inuussutissarsiummik ingerlatsinngitsut - amerliartornissaat.

### **8.4 Konto pingaarneq 30.10.45 Meeqqat inuusuttullu immikkut ittumik suliniuteqarfigneqarnerat**

- a) Matumani aningaasaliissutit immikkut suliniummut inuiaqatigiinni pisariaqartineqartumut naammattutut nalilernerqarpat?
- b) Nuna tamakkerlugu qimarnguip aaqqiissutaagallarnissaa aallaqqaataaniilli siunertaava aammalu ingerlaannassanersoq qaqugu isummerfigineqassava?

### **8.5 Konto pingaarneq 30.11.10 Ineqarnermut tapiissutit**

Ilaatigut aningaasat naleerukkiartornerat malinnaaviginiarlugu ilaatigullu aserfallatsaaliinikkut kinguaattooraluttuinnarnerup ilaminiinnanngua angujumallugu pisortat inissiaataanni ineqarnermut akiliutit pisariaqarluinnartutut qaffanneqarnissaat Naalakkersuisunit aalajangiunneqarpat, tamanna ineqarnermut tapiissutinut qanoq sunniuteqassava?

### **8.6 Konto pingaarneq 30.12.08 Utoqqalinermi pensionisiat**

Utoqqalinermi pensionisiat allanngortinneqarnissaannik inatsisissatut siunnersuut saqqummiunneqartoq UKA 15-imi akuerineqassappat kontomut pingaarnermut matumunnga alannguu-tissatut siunnersuummik saqqummiussisoqassasoq ataatsimiititaliamit ilisimaneqarpoq. Tak. allakkani ukunani konto pingaarnerup 20.11.51-ip ataani ataatsimiititaliamit oqaatigineqartut.

### 8.7 Konto pingaarneq 30.12.09 Siusinaartumik pensionisiat

Siusinaartumik pensionisiat allanngortinneqarnissaannik inatsisissatut siunnersuut saqqummiunneqartoq UKA 15-imi akuerineqassappat kontomut pingaarnermut matumunnga alannguutissatut siunnersuummik saqqummiussisoqassasoq ataatsimiititaliamit ilisimaneqarpoq. Tak. allakkani ukunani konto pingaarnerup 20.11.51-ip ataani ataatsimiititaliamit oqaatigineqartut.

### 8.8 Konto pingaarneq 30.13.07 Danmarkimi Kalaallit Nunaannilu inissinernut qitiusumik immikkoortitat

Kalaallit Nunaanniinaq inissiisoqarsinnaagaluarpat qanoq akeqassava?

### 8.9 Konto pingaarneq 30.13.43 Nuna tamakkerlugu innarluutilinnut sullissivik

- a) IPIS-imit siunnersorneqarnissamut periarfissaq qanigisaasunit qanoq annertutigisumik atorneqartarpa aammalu inunnik ataasiakkaanik aamma/imaluunniit ilaqutariinnik eqqortumik ikiorsiiniarluni inuit ataasiakkaat pillugit kommunit qanoq annertutigisumik suleqatigineqartarpat?
- b) Nunap immikkoortuani naalakkersuinermi ingerlatsinikkut isiginiagassat kisiisa aallaavigigunarlugit nuna tamakkerlugu innarluutilinnut sullissiviup Sisimiunut inissineqarnissaa Inatsisartut ataatsimiititaliaasa siusinnerusukkut apeqquserpaat. Pisortat ingerlataasa nunatta immikkoortuinut tamanut, tassungalu ilanngullugu nunatta tunuanut, agguataarneqarnissaat Aningaasaqarnermut Akileraartarnermullu Ataatsimiititaliap soorunami ajoriffissaqartingilaa, tamatumali peqatigisaanik tamatut aalajangiinissamut pitsaasumik tunngavissaqartarnissaq ataatsimiititaliamit kissaatigineqarluni. Tamanna tunngavigalugu eqqarsaatigalugit Nuummi IPIS-imut maanna piusumut atattillugu sullissiviup Sisimiuni inissineqarnerani aningaasartuutaanerusussat erseqqissumik paasisutissiissutigeqquneqarput:
  - o Sanaartornermi aningaasartuutit
  - o Ingerlatsinermut ingerlaavartumik aningaasartuutit
  - o Sullitat atortorissaarutillu eqqarsaatigalugit Nuummi nuna tamakkerlugu napparsimmavissuup pisariitsumik paarlaasseqatigineqarsinnaanerata periarfissaarunneratigut sunneeqatigiinnerit pitsaasut annaaneqarnissaat

### 8.10 Konto pingaarneq 30.14.29 Isumaginninnermi suliniutit

Paasisitsiniaanermut suliassami kisitsisit sooq ikileriarfuppat?

### 8.11 Konto pingaarneq 30.14.31 Meeqqat pisinnaatitaaffii pillugit suliffik

Matumani aningaasaliissutit tapiissutitut aningaasaliissutaammata, taamaattumillu missingersuutitut ilanngussami suliassami kisitsisinik ilanngussinissaq missingersuutit pillugit inatsimmi piumasagaataangitsoq ataatsimiititaliamit ilisimaneqarpoq. Tamatuma saniatigut Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaanni nr. 11, 22. november 2011-meersumi § 16, imm. 2 naapertorlugu meeqqat pillugit siunnersuisoqatigiit tamanut saqqummiunneqartussamik ukiumoortumik nalunaarusiortussaat ataatsimiititaliamit ilisimaneqarpoq. Nalunaarulli kingulleq [www.mio.gl](http://www.mio.gl)-imiittoq 2013-imeerpoq. Meeqqat pillugit siunnersuisoqatigiit meeqqallu illersuisuata ukiumoortumik nalunaarusiortussaannerminnik 2014-imi aamma eqquutsitsisimanissaat ataatsimiititaliamit soorunami qularineqanngilaq, taamaattumillu taanna inussiarnersumik nassiteqquneqarluni.

## 9. Suliassaqarfik 34 – 35 Peqqissutsimut Nunanillu Avannarlernik Suleqateqarnermut Naalakkersuisoq

### 9.1 Konto pingaarneq 34.11.03 Dronning Ingridip Napparsimmavissua

- a) Utaqqisut allattorsimaffiiniittut ikilisarmissaannut immikkut aningaasaliissutaasut 12 mio. kr.-init 9 mio. kr.-inut sooq ikilineqarpat? Utaqqisut allattorsimaffiiniittut nulinnngortinneqarsimappat imaluunniit tamanna naalakkersuinikkut pingaarnersiui-nermut ersiutaannaava?
- b) Utaqqisut allattorfiiniittut ikilisarmissaannut immikkut aningaasaliissutaasut DIN-imi pilattaasarfimmu immikkut 9,0 mio. kr.-inik aningaasaliissutinik aalajangersimasunik taarserneqartut missingersuutinu ilanngussami allassimavoq. Aningaasaliissutit taaku utaqqisut allattorsimaffianniittut sapinngisamik ikittuaannarmissaannut atorneqas-sapput. Utaqqisut allattorsimaffianniittut immikkut aningaasaliisariaqalernermik nas-sataqartut ikilisimanerat qanoq ililluni missingersuutinu ilanngussakkut taku-neqarsinnaava?
- c) Taamaappat suliassami kisitsisini utaqqisut allattorsimaffianit ingerlatsinerup nalaani sularitinnerit 0-inngortinneqarsimanerat qanoq paasineqassava – suliassami kisitsisini kukkuneqarnera tamatumani pineqaannarpa?

### 9.2 Konto pingaarneq 34.11.05 Imigassamik ajornartorsiuteqartunut katsorsaasarfiit

Imerajuttunut annertunerungaartumik suliniuteqarnissaq kissaatigigitsik Naalakkersuisut nalunaarutigaa. Konto pingaarnerup 20.11.70-ip ataani oqaaseqaatini ataatsimiititaliap innersuussutigissavai, tamatumani AIS 16-imi oqaatigineqarluni atornerluisunik katsorsaanis-samut pilersaarutip piviusunngortinneqarnissaa siunertaralugu AIS 16-ip aappasaaneer-neqarnissaanut pingajussaaneerneqarnissaanulluunniit allannguutissatut siunnersuummik saqqummiussisoqassasoq.

### 9.3 Konto pingaarneq 34.11.07 Kræfti pillugu pilersaarut

Kræfti pillugu pilersaarummi siunniussat ingerlanneqarnissaannut matumani aningaasaliis-sutit naammappat?

### 9.4 Konto pingaarneq 34.12.01 Nunap immikkoortuini peqqinnissaqarfiit, nakorsanit sul-linneqarneq

- a) Sulisut 2016-imi 16-inik ikilineqarnissaat pilersaarutigineqarpoq. Sunik suliallit pineqarpat, tamannalu qanoq kinguneqassava?
- b) Utoqqaat illuini inissat amigaataanerisa kingunerisaanik paaqqutarisarialinnik inissii-nissap periarfissaqarsimannginnera pissutigalugu innuttaasut utoqqaanerit qanoq amerlatigisut napparsimmavinnut unitsinneqartarpat?

### 9.5 Konto pingaarneq 34.12.06 Ataatsimut aningaasartuutit

- a) Suliassaqarfiit uku pillugit killiffiup naatsumik paasissutissiissutigineqarnissaa kissaatigineqarpoq: Siusissukkut suliniuteqarneq; TB-mik katsorsaaneq aammalu aki-liinani atornerluisuunermut katsorsartinneq.
- b) Atortunut atugassatut 13,5 mio. kr.-it konto pingaarnermit matuminnga sanaartorner-mut tunngasuni konto pingaarnermut nuunneqassasut allassimavoq. Tamanna ata-atsimiititaliamit paasilluarneqarsinnaavoq, tassami pisortornermut aningaasat inger-latsinermut aningaasaliissutitut ukiumi missingersuusiordimmi ataatsimi tamakker-lugit atugassatut immikkoortinnagit aningaasat assersuutigalugu neqeroorutitsialannut pisiassanullu annertuunut sanaartornermut aningaasaliissutinit atugassanngorlugit naleqqussarneqarsinnaammata. Nuussinermut allanik pissutissaqarpa?

9.6 Konto pingaarneq 34.13.01 Peqqinnissaqarfiit, kigutigissaaneq  
Kigutigissaasussatut ilinnialersussat sooq nulinngortinneqarsimappat?

9.7 Konto pingaarneq 34.15.01 Inuuneritta

- a) Paasissutissiissutigineqartut naapertorlugit peqqissuunissamut sunniutaasussat nalilerneqarsimapput. Naliliineq taanna qanoq ingerlanneqarpa?
- b) Peqqissutsimut Naalackersuisup Inuuneritta tapersorsorpaa, taassumalu ineriartorteqinneqarnissaanut Naalackersuisoq qanoq takorluugaqarpa?

## 10. Suliassaqarfik 40 Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq

### 10.1 Konto pingaarneq 40.01.08 Ilinniartitaanermut tunngasuni immikkoortumut pilersaarut

- a) Immikkut suliniuteqarneq taaneqarpoq. Immikkut suliniutigineqartut suusimappat angusallu qanoq ittut anguneqarsimappat? Naatsorsuutigisat angusatigut eqquutsineqarpat?
- b) Konto pingaarnerup taaguutaata "ilinniartitaanermut tunngasuni immikkoortumut pilersaarut"-ip aammalu missingersuutitut ilanngussami oqaasertat malillugit kontomik atuinerpiaq imminnut naapertuutivissorinangillat.  
Ingerlatatut assigiinngitsunut missingersuutitut ilanngussami taaneqartunut aningaasat qanoq amerlatigisut atorneqarnissaat oqaatiginagu aammalu tigussaasumik aningaasanik atugassanngortitsinissaq suliassaqarfimmut Naalakkersuisumit aalajangerneqartussanngortillugu aningaasanik taama amerlatigisunik atugassiinissaq ataatsimiititaliap isumaa malillugu eqqarsarnartoqarpoq. Naalakkersuisut tamatumunnga oqaaseqaateqarnissaat naatsorsuutigineqarpoq.  
Ilinniarnermik unitsitsiinnartarnerup akiorniarneqarneranut, ilinniartut ineqarfiinik atartorallarnermut tapiissuteqartarnermut, immikkut ittunik suliniuteqarnermut tapiissuteqarnissamullu, avataanit nalilersuisitsinermut aqqiissusseqqinnermullu aningaasartuutit qanoq agguataarneqarsimappat?  
Konto pingaarnermi matumani ilinniartitaanermut tunngasuni immikkoortumut pilersaarummut tunngatillugu allaffissornikkut suliassanut aningaasaliissutit suuppat?
- c) Missingersuutitut ilanngussami allassimasutut ilassutitut aningaasaliissuteqarnikkut konto pingaarneq una 8.150.000 kr.-inik aningaasaliiffigineqarpoq. Aningaasaliinerrussutaasut aningaasartuutitut assigiinngitsunut aningaasaliissutit aqqutigalugit aningaasartuuteqarfiusussanut 2016-imilu suli aningaasartuutaasussanut qanoq agguataarneqarsimappat?
- d) Suliassat ingerlanneqarnerannut atatillugu kommuninik oqaloqateqarneq qanoq ingerlasimava?
- e) Aningaasaliissutit atorneqarnerat pillugu suliassami kisitsisinik takussutissiortoqarsinnaava, taakkunuuna ersersinneqassalluni ukiuni kingullerni suut aningaasartuuteqarfineqarsimanerannut nassuiaat.

### Ilinniartitaaneq ataatsimut isigalugu

- f) Nalinginnaasumik nassuiaatini allassimavoq ilinniartitaanermut tunngasuni naatsorsuutigineqaraluartumit suliassakinnerusoqartoq. Taamatut suliassakinnerusoqarneratigut kontot pingaarnerit sorliit sunnerneqassanersut itisilerneqassasoq ataatsimiititaliamit kissaatigineqarpoq. Tamatuma saniatigut suliassat ikileriarnerrannut tunuli-aqutaasut nassuiaatigineqarnissaat ataatsimiititaliamit kissaatigineqarpoq.
- g) Ilinniartitaanerup iluani sumiiffinni amerlasuuni ingerlariaqqinnissamut akimmisaaruteqartoq ataatsimiititaliamit maluginiarneqarpoq, tamatumani ilinniartarfinni sungiusarfinnilu inissanit amerlanerusut qinnuteqarlutik. Pissutsit taamaannerat ilinniartitaanermut tunngasuni suliassakinnerulernermut taaneqartumut qanoq attuumassuteqarner-soq paasissutissiissutigineqassasoq ataatsimiititaliamit kissaatigineqarpoq.
- h) Aammattaaq ukiuni tulluuttuni tallimani sulinermik lærlingitullu sungiusarfissanik amerlanernik pilersitsinissamut Naalakkersuisut qanoq pilersaaruteqarnerisut paasissutissiissutigineqassasoq ataatsimiititaliamit kissaatigineqarpoq.
- i) Naqinnernik ilisarinnissinnaanngitsunik atuartsiniarnerup ajornartorsiutaanera tusa-gassiorfinnit eqqartorneqarsimavoq. Aaqqiissuteqarnissaq sulissutigineqartoq Naalak-

kersuisut nalunaaruteqarput. Naqinnernik ilisarinnissinnaanngitsunik atuartitsinissap qulakkeerneqarneranik kinguneqartumik aningaasanut inatsisissap pingajussaaneerneqarnissaa sioqqullugu allannguutissatut siunnersuuteqartoqarnissaa naatsorsuutigisinnaavarput?

#### 10.2 Konto pingaarneq 40.10.06 Kalaallit Nunaanni efterskolit ingerlanneqarnerannut tapiissutit

- a) Naqinnernik ilisarinnissinnaanngitsunut ikiorsiinissamik suliassap tamarmiusup ilaataluunniit efterskolimit ingerlanneqarnissaa pillugu maana pilersaaruteqartoqarpa? Atuartut qassit naqinnernik ilisarinnissinnaannginnersut Naalakkersuisut ilisimavaat?
- b) Atuartut ingerlaqqillutik ilinniagaqarnissaminnut ilinniagassatigut oqaatsitigullu piginnaasaannik nukittorsaanissamik anguniagaqarneq konto pingaarneq una aqquutigalugu ikorfartorneqartoq Naalakkersuisut isumaqarput. Tamanna pivoq nunatsinni efterskolini atuartut 30-nik Danmarkimilu efterskolini atuartut 28-nik ilanerisigut. Tassa atuartut ukiumut 58-inik amerlinerisigut suliassat annertuseriarnissaat naatsorsuutigineqarpoq. Tamanna pisariaqartitsinermut matussusiiva aammalu tapiissutaasartut amerlineqarnissaat eqqarsaataava imaluunniit tapiissutinik pissarsisinaanissamut killissarititaq qaffanneqassava? Nunatsinni efterskolit atuartut ilinniagaqalernissaminnut piareersimanerannut siuarsaaqataasutut Naalakkersuisunit isigineqarnerat ataatsimiititaliamit pitsaasutut soorunami isigineqarpoq. Tassungali atatilugu ataatsimiititaliamit naatsorsuutigineqarpoq Naalakkersuisut ataatsimiititaliatulli isumaqartut atuartut atuagarsornikkut piginnaasassanik pisariaqartunik ilinniartineqarnerat annertunerpaaq meeqqat atuarfianni ingerlanneqartariaqartoq. Taama isumaqarneq Naalakkersuisunit isumaqatigineqarpa? Atuartunik amerlanernik efterskolini tiguisarnissamik kissaateqarneq ima paasineqarsinnaava; nunatsinni meeqqat atuarfiat piginnaasassanik taamaattunik ilinniartitsinissamut tamakkiisumik tunnius-saqarsinnaanngitsoq?
- c) Aasaq manna aningaasaqarnermut ataatsimiisitaliaq Qasigiannuani isumasioqatiginnera iluatsillugu Villads Villadsenip efterskolia pulaarparput, tassanilu paasivarput aningaasaliissutit naammanngitsut aammalu Maniitsumi efterskolemut sanilliullugit ikinnerusut naak Qasigiannuani 80-nut inissaqartoq Maniitsumilu 72-nut.  
Apeqquteqaat:
  1. Qasigiannuarmit aningaasaqarnertik pillugu saaffiginnissuteqarnikuuppat?
  2. Suna pillugu Qasigiannuanut aningaasaliissutit ikinneruppat naak amerlane-rusunik atuarteqaraluartik?

#### 10.3 Konto pingaarneq 40.10.11 Ado Lyngep Atuarfia

- a) Ado Lyngep Atuarfiani killiffik qanoq ippa?
- b) Atuartut atuarfimmeereernerup kingorna qanoq pisarpat? Atuartut anigaangamik asersuutigalugu sulilernissaannik assigisaannilluunniit pilersaarusiunneqartarpat? Ineriartormikkut kinguarsimasut atuarfimmit ingerlaqqinnissaat eqqarsaatigalugu aaqquissuussiffigineqartarpat?

#### 10.4 Konto pingaarneq 40.10.12 Efterskolit

Kalaallit atuartut Danmarkimi efterskolerneranni pisortanit tapiissutit Danmarkimi efterskolernerumut tapiissutigineqartartunit nalinginnaasumik annertunerujussuusarnerat uppernarsarneqarsinnaava?

#### 10.5 Konto pingaarneq 40.10.15 Atuarfimi nerisaqartitsineq

- a) Atuarfiit sorliit nerisaqartitsinermi ullumikkut peqataappat?

- b) Tamanna qanoq angusaqarfiusimava?
- c) Aaqqissuussineq iluatsilluartutut oqaatigineqarsinnaava, taamaassimangippalluunniit aaqqissuussinerup iluarsissuteqarfineqarnissaa Naalakkersuisut tunngavissaqarsooraat?

#### 10.6 Konto pingaarneq 40.40.01 Ilinniartitaanermut Aqutsisoqarfik

Kommunit inatsisitigut pisussaaffigalugit suliassaminnik isumaginninnerannik ilinniartitaanermut aqutsisoqarfiup nakkutilliisusnaanini qanoq ingerlappaa?

Nakkutilliinermik sulinerup taassuma inernera Aningaasaqarnermut Akileraartarnermullu Ataatsimiititaliamit inussiarnersumik qinnutigineqarpoq.

#### 10.7 Konto pingaarneq 40.90.02 Kalaallit illuinut tapiissutit

- a) Danmarkimut nuuttut amerlinerat tunngavigalugu ingerlatat annertussusiat aammalu ingerlatanik atuerusussuseq allannguuteqarsimappat?
- b) Naalakkersuisut kalaallillu illui ingerlaavartumik imminnut ilisimateqatigiittarpat aammalu ajornartorsiutit apeqqutillu pingarnerit illuni atuuttut maanna suuppat? Illuni ingerlatanut sanilliullugit aningaasaliissutit naammattutut Naalakkersuisunit isigineqarpat? Aningaasat tunniunneqartut naammaginartumik aqunneqartutut Naalakkersuisut naliliippat?

#### 10.8 Konto pingaarneq 40.90.03 Namminersorlutik Oqartussat illuutaannik aserfallatsaaliuineq

Illut sorliit pineqarpat Pitsaassusiat qanoq ippa? Aserfallatsaaliinikkut kinguaattoorfiusimappat? Piffissani aaljangersimasuni aserfallatsaaliorneqarnissaannut pilersaarutininik suliarinnitoqarsimava?

#### 10.9 Konto pingaarneq 40.90.07 Nunat tamalaat pilersaarusiortugulu suleqatigiinnerannik paasisstissisarneq ingerlatsitseqqittarnerlu

Konto pingaarneq una aqutigalugu periarfissiissutigineqartut atorneqarnissaat qanoq soqutigineqartigaa? Qinnuteqaatit qassit 2015-imi tiguneqarsimappat?

#### 10.10 Konto pingaarneq 40.90.08 Ilinniartitaanermi PAT-i

“Aningaasartuutit allat” aammalu “isertitat” malunnaatilimmik allanngunngitsut aningaasaliissutini akissarsianut aningaasartuutit 2015-imi millioninik amerlineqarsimapput. Qanoq tamanna paasineqassava?

Suliassaqarfimmi tassani suna anguniagaava? Ilinniartitaanermi PAT qaffasinnerpaaffissaminiilersimasoq akuerineqarsinnaasorlu Naalakkersuisut isumaqarpat? Imaluunniit pitsanngorsaanissamat periarfissaqarpa?

#### 10.11 Konto pingaarneq 40.90.13 Siunnersuineq kiisalu tarnikkut inooqatigiinnikkullu nuna tamakkerlugu ilinniartunik siunnersuisarfik

- a) Aningaasat katsorsaanernut aammalu siunnersuinernut atorneqartut agguataarnerannik takutitsisumik Naalakkersuisut takussutissiorsinnaappat?
- b) Inuit atorerlugaasimasut aammalu atorerlueriaatsit pinaveersaartinneqartarnissaat kiisalu siunnersuisarfiup ingerlataminik illinniarfiit ataasiakkaat kommunillu qanimut suleqatigalugit isumaginninnissaa konto pingaarnermi matumani immikkoortuni kingullerni marlunni oqaatigineqarpoq.

Neqeroorutit taakku assingi illoqarfinni ataasiakkaani aningaasanoorajuttunut aammalu ikiaroorartunik atorerluisunut neqeroorutigineqarsinnaanerat eqqarsaatigineqarsimava? Inuit atorerlugaasimasut allatulluunniit sumiginnagaasimasut katsorsarnis-



saannut tarnip pissusaanik ilisimasallit sulisullu susassaqtut allat maannangaaq naammattut Naalakkersuisunit nalilernerqarpat?

#### 10.12 Konto pingaarneq 40.91.08 Kalaallisuuliornermik Ilinniarfik

- a) Ilinniarfik allamut inissikkallarnerqarsimasoq paasineqarpoq. Tassunga atatillugu aningaasartutit qanoq amerlatigippat? Aaqqiissutissap ataavartup qaqugu nassaarineqarnissaa ilimanarpa?

#### 10.13 Konto pingaarneq 40.92.10 Folkehøjskolit

- a) Knud Rasmussen højskoliani sumut killittoqarpa? Ilinniartorineqarsinnaasut amerlassusissaat tamakkerlugit qaqugu tiguneqarsinnaaleqqissasut, taamaalillunilu folkehøjskolit siunertarisaminik qaqugu naammassinnissinnaalernissaa naatsorsuutigineqarpa?
- b) Suliffissaaleqineq akiorniarlugu suliniuteqarnermi imaluunniit naqinnernik ilisarinissinnaangitsunik ilinniartitsinermi Folkehøjskolit atorneqassasut Naalakkersuisut isumaqarpat? Taamaassimappat naatsumik nassuiaasoqassasoq ataatsimiititaliamit kissaatigineqarpoq.

#### 10.14 Konto pingaarneq 40.92.13 Ilisimatusarfik

- a) HD imm. 2-mi ilinniartut 2016-imi naammassinissaat qanoq ililluni missingersuusi-orneqarsinnaava, taakkumi paasissutissiissutigineqartut malillugit 2015-imi tamarmik soraarummeertussaapput?
- b) Ilinniartussatut tiguneqartut soraarummeertullu amerlassusiat pillugu Aningaasaqarnermut Akileraartarnermullu Ataatsimiititaliamut eqqumaffigeqquneqartariaqartunik allanik peqarpa?

#### 10.15 Konto pingaarneq 40.92.18 Oqaatsinik Pikkorissarfik

- a) Ilinniartunut amerlangitsut ilinniartinneqarnerannut atuartinneqarnerannullu aningaasat amerlangaatsiartut atorneqartarput. Sunniuteqassutsimik uuttisoqarsimava aammalu sanilliussilluni misissueqqissaarnermik ingerlatsisoqarsimava? Ilinniartumut ataatsimut ukiumoortumik agguaqatigiissillugu aningaasartuutit nalorninarsinnaanerannik Naalakkersuisut oqarnerat ataatsimiititaliamit maluginiarneqarpoq. Ilinniartumilli ataatsimut agguaqatigiissillugu 600.000 kr.-inik aningaasartuuteqarnissamik missingiineq takuinnarlugu annertoorujussuorinarpoq. Tassunga atatillugu oqaatsinik pikkorissarfiup ingerlatsinerani inuiaqatigiit pissarsissutissaattut pissusissamisoortumik naatsorsuutigineqartariaqartunut sanilliullugu agguaqatigiissillugu aningaasartuut taanna naleqquttut Naalakkersuisunit isigineqarnersoq paasissutissiissutigineqassasoq ataatsimiititaliamit kissaatigineqarpoq.
- b) Ilinniartut kalaallisut atuartinneqartut amerlassusiat aammalu ilinniartut taakku Kalaallit Nunaannut nunnisarnersut pillugit tutsuiginartut paasissutissaateqartoqarpa?

#### 10.16 Konto pingaarneq 40.94.12 Kalaallit Nunaata Katersugaasivia Allagaateqarfialu

- a) Kalaallit Nunaata Katersugaasivia Allagaateqarfialu assigningsorpasuarnik ingerlataqarfiuvoq. Suli at ingerlanneqarneranni killiffik pillugu paasitinneqarnissani ataatsimiititaliap kissaatigaa.
- b) Atortut allagaateqarfiup siunertarisaa malillugu inissaqartinneqartussat piffissami sivisuumi inissaqartinneqarsimanngitsut ataatsimiititaliamit paasineqarpoq. Aaqqiiffigisariallit aaqqiiviginarlugit tigussaasunik sunik siunnersuutissaqartoqarpa?

#### 10.17 Konto pingaarneq 40.94.13 Timersornermut tapiissutit

- a) Tapiissutit tunniunneqartut siunertaq malillugu atorneqarnerannik nakkutillineq qanoq ingerlanneqartarpa?
- b) Tapiissutit tunniunneqartut malitassat maleqqissaarlugit atorneqartut aammalu aningaasat atorneqarnerat pillugu isornartorsiuinissamut tunngavissaqanngitsoq Naalakkersuisut naliliippat?

10.18 Konto pingaarneq 40.94.14 Nuna tamakkerlugu meeqqat inuusuttullu suliniaqatigiiffi-  
inut tapiissutit

- a) Sorlaap pisortat aningaasaataannik atorneqluineq pillugu suliaq naammassiva? Kalaallillu Nunaanni Spejderit tapiissutinik pissarsinissamut pisussaaffimminnik unioqquutit-sinerminni aningaasanik utertitsissasut Namminersorlutik Oqartussat isumaqarpat? Naalakkersuisut akertianik allatut isumaqassappata tamanna pillugu naatsumik nas-suiaat ataatsimiititaliamit qinnutigineqarpoq.
- b) Avalammut pinngitsoorani ilaasortaasariaqarunnaarneq Avalammut qanoq ajornartor-siuteqalersitsiva? Kattuffik ilaasortaqaassuseq malillugu tapiissutinik pisarpa?

10.19 Konto pingaarneq 40.94.17 Kalaallit Nunaata Radioa - KNR

- a) KNR-ip aallakaatitsinerani ussassaaruteqarnissamut inerteqquteqarneq siusinnerusuk-kut nalunaarutigineqartoq suli atuuppa?
- b) KNR-ip ussassaarutinik takutitsinissaata Naalakkersuisunit inerteqqutigineqarnera tusagassiutunit oqallisaavoq. Suliassaq taanna sumut killippa aammalu taamatut aala-jangernermit KNR aningaasaqarnikkut qanoq sunnigaava?

10.20 Konto pingaarneq 40.94.21 Danske Spil A/S-imi kaaviiartitanit Nunatta pisasaanit  
tapiissutit

Najukkanut sanaartornermullu aningaasaateqarfimmi aningaasat qanoq atugassiissutigineqartarpat?

10.21 Konto pingaarneq 40.94.28 Nunatsinni tusagassiutininut naqitanut tapiissutit

Konto pingaarneq 10.06.24 naapertorlugu tusagassiutininut tapiissutinik tunniussinissamut siunertarineqartoq piumasaaqatillu AIS 15-imut atatillugu Naalakkersuisunit allanngortineqarput. Tamanna oqallinnermik annertungaatsiartumik pilersitsivoq. Tamatuma kingorna allannguutissatut siunnersuummik Naalakkersuisut saqqummiussippat, taannalu konto pingaarnerup maanna ilusaatut ilusilerlugu akuerineqarluni. Tamatuma peqatigisaanik tapiis-sutit aningaasat suliniutinut tapiissutit atugassiissutigineqartarnerannik maleruagassiisu-mik nalunaarummik atuutsitsilernissaq Naalakkersuisut ilimasaarutigaat. Nalunaarutit nutaap 1. septemberimit atuutsinneqalersinnaanera Naalakkersuisut naatsorsuutigaat. Ataatsimiitita-liap isumaa malillugu piffissap taamaalinerani nalunaarutit atuutlernissaa siusippallaanngilaq. Konto pingaarnerup matuma siunertarisaanik tapiissutinillu pissarsinissamut pi-umasaaqatinik atuisut ilisimasaqalernissaa tunngaviummik pisariaqarpoq.

- a) Nalunaarutit suliarineqarnerata killiffia paasissutissiissutigineqassasoq ataatsimiitita-liamit kissaatigineqarpoq. Konto pingaarnermit tapiissutinik tunniussisoqannginnerani nalunaarutit saqqummiunneqarsimanissaata atuutsinneqalersimanissaatalu pisari-aqarneranik ataatsimiititaliap isumaqarnera Naalakkersuisunit isumaqatigineqarpa?
- b) Suliniutit taamaallaat tapiissuteqarsinnaaneq pillugu aalajangersakkap peerneqarnis-saa Naalakkersuisunit pilersaarutigineqarpa?
- c) Tapiissutinik tunniussisarnerup Naalakkersuisoqarfimmit aqunneqannginnissaa Naalakkersuisunit pilersaarutigineqarpa?

- d) Tapiissuteqartarnissamut siunertat piunasaqaatillu allanngortinneqannginneranni atugassanngortitsinissamut piunasaqaatit pillugit ataatsimiititaliaq Naalakkersuisullu isumaqatigiilinngillat. Tapiissutinik atugassanngortitsinissamut siunertarisaq piunasaqaatillu missingersuutitut ilanngussami maanna ersarissumik paatsuugassaann-gitsumillu allassimalersut Naalakkersuisut isumaqarpat?
- e) Inuiaqatigiinni paasissutissiisarnerup aamma tamat oqartussaaqataatillugit oqallitsit-sinerup siuarsarneqarnissaat siunertaasoq missingersuutitut ilanngussami immik-koortumi kingullermi allassimavoq. Tusagassiuuteqarnerup iluani suliniutitut aala-jangersimasunuinnaq tapiissuteqartoqartassasoq ataatsimiititaliaq isumaqaraluarpoq. Tamanna qanoq ataqatigiippa? Tamanna pillugu aningaasanut inatsisissatut siunner-suutip pingajussaaneerneqarnissaa sioqqullugu allannguutissatut siunnersuuteqarto-qarnissaa naatsorsuutigineqarsinnaava?

#### 10.22 Konto pingaarneq 40.97.03 Kalaallit Nunaanni ilagiit

Kalaallit Nunaanni ilagiit ajunngitsuliornermik suliaqarnerat qanoq annertutiginersoq naatso-rsorneqarsimava? Angunngitsuliornissaq Kalaallit Nunaanni ilagiit suliassamik ilaattut isigaat? Naalakkersuisut suliarni allanik paasissutissaateqarpat?

## **11. Suliassaqarfik 50 - 51 Aalisarnermut, Piniarnermut Nunalerinermullu Naalakkersuisoq**

### 11.1 Konto pingaarneq 50.01.01 Aalisarnermut, Piniarnermut Nunalerinermullu Naalakkersuisoqarfik

- a) Aalisakkanik ikerinnarsiortunik aalisarnermik aqutsineq nukittorsarniarlugu allaffisorneq annertusarneqarpoq, soorluttaaq aalisartut piniartullu siunnersortinit sullinneqarnerat Naalakkersuisoqarfimmut nuunneqartoq. Tamanna 1,3 millioner kronenik sipaaruteqarfiussaaq. Suliassaqarfiit/suliassat sorpiat 1,3 millioner kronenik sipaaruteqarfiussappat?
- b) Konto pingaarneq 51.01.07 – aalisartut piniartullu siunnersortinit sullinneqarnerannut tunngasoq – sooq kontomut pingaarnermut matumunnga nuunneqarpa – tamannalu atuisunik akiliuteqartitsilerniarnermi unammilligassanut aaqqiivigineqarsimangitsunut atatillugu qanoq sunniuteqassava?
- c) Suliassaqarfiit ingerlatallu arlallit, kingullertullu KANUAANA-p, suliassaqarfik 50-51-imit nuunneqarnerisigut Aalisarnermut, Piniarnermut Nunalerinermullu immikkut Naalakkersuisoqarfeqarnissap attatiinnarnissaanut missingersuutitigut tunngavissaq annikippallaaleriartorsorinarpoq. Suliassaqarfiup 50-51-ip suliassaqarfiullu 64-ip ataatsimoortinneqarnissaat allaffissornikkut aningaasaqarnikkullu Naalakkersuisut iluaqutissaqarsoraat? Tamanna isumatusaarnerusinnaavoq, tassami inuusutissarsiuutitta Naalakkersuisoqarfinnut assigiinngitsunut marlunnut avinneqarnerat naalakkersuinikkut isumatusaarnerugaluarluni allaffissornikkut aningaasaqarnikkullu iluaqutissarsif-fiunngissinnaammat. Aammattaaq ataatsimoortitsineq sipaaruteqarfiusinnaavoq, tamannalu maanna aningaasaqarnikkut ajornartorsiorfimmi Naalakkersuisut Inatsisartullu pingaarnertut anguniagarisariaqarpaat.
- d) Taamatut ataatsimoortitsinerup piviusunngortinneqarnissaa teknikikkut aamma/imaluunniit aningaasaqarnikkut ajornassanersoq siuliani apeqqummut atatillugu paasisutissiissutigineqassasoq kissaatigineqarpoq.

### 11.2 Konto pingaarneq 50.01.20 Aalisarneq piniarnerlu

Puisit amii puisinniarnerlu pillugit paasisitsiniaanerup ("Inuit-Sila") – iluatsilluartutut oqaatigineqartup – maannalu ingerlanneqartup aningaasalersorneqarnera unitsinneqarpa?

### 11.3 Konto pingaarneq 50.06.50 Aalisarnermut aningaasaliissutinut immikkoortitat

- a) 2017-imit siumullu kontomi pingaarnermi ingerlatat ikileriartut ukiuni siuliini immikkoortitat Naalakkersuisunit 2016-imi atorneqalersaartutut isikkoqarput. Aalisarnermik ineriartortitsinermik nunatta karsiata kisimi aningaasalersuisuunissaanik, kinguaariit nikinnissaannik siuarsaanermik aalisarnerullu pisariillisarneqarnissaanik anguniagaqarnermik attassiinnarniarartoqassappat tamanna isumakulunnarsinnaavoq. Konto pingaarnermi matumani pilersaarutit aalisarnermi anguniakkanut qanoq naapertuususeqarpat?
- b) Sinerissamut qanittumi taamatullu avataasiorluni aalisarnermi ineriartortitsineq pisortat toqqaannartumik toqqaannangitsumilluunniit tapiissuteqarnerisigut pinnani namminersortut kisimik imaluunniit annertunerpaamik aningaasaliissuteqarnerisigut pissasoq Naalakkersuisunit kissaatiginartinneqarpa?
- c) Tassunga atatillugu ataatsimiititaliap Naalakkersuisunit apeqqutigissavaa isumaqataanersut pisortat tapiissuteqartarnerisa kingunerinnartaraa aalisarnermik ingerlatsisut pisortanit tapiissutigineqartunut naleqqussartarnerat, taamaattoqarneralu aalisarnerup imminut napatinnissaanik anguniagaqarnermut akimmisaarutaasoq?

- d) Kontomi pingaarnermi matumani aningaasaliissutit atorneqanngitsut aningaasat ukiui akimorlugit uninngasuutigineqarsinnaanerat, taamaattumillu aalisarnermut aningaasaliissutitut immikkoortitat nungukkaangata kontomi pingaarnermi aatsaat aningaasani immikkoortitsisoqartarnera Naalakkersuisut ilaatigut KNAPK-mut eqqumaffigeqqusimavaat?

#### 11.4 Konto pingaarneq 51.03.03 Ineriartortitsinermit aningaasatigut tapersiissutit

Suliassaqarfimmut amerlasuunik aningaasaliisoqarnissaanik Nunalerineq pillugu Ataatsimiititaliarsuup naliliinera Naalakkersuisut qanoq isumaqarfigaat? Tamanna qanoq malitseqartinneqarsimava?

#### 11.5 Konto pingaarneq 51.07.40 Taarsigassarsiarititat ernialersugaanngitsut akilersuutitaqanngitsullu

Aningaasaliissutit uku pingaartumik inuit nunaqarfinni isorliunerusunilu inuussutissarsiutitigut allatut periarfissaqanngitsut inuussutissarsiuteqarnissaannut inuuniuteqarnissaannullu qulakkeerutitut isigineqarsinnaapput. Aningaasaliissutilli aamma ima isigineqarsinnaapput; inuttaasut ilaannut inuussutissarsiummik imminut akilersinnaanngitsumik attassiinnartitsisutut aammalu aalisarnermik inuussutissarsiummik aningaasaqarnikkut imminut napatittumik ineriartortitsinissamut akimmisaartitsisutut, tassami ernialersugaanngitsunik akilersuutitaqanngitsunillu taarsigassarsisitsisarnikkut niuerfinni nalinginnaasuni pissutsit kajuminnerulersitsissutaasartullu equtinneqartarmata. Apeqqut taanna Naalakkersuisunit qanoq nalileneqarpa aammalu sinerissamut qanittumi aalisarnermik inuussutissarsiuteqartut aningaasaqarnikkut imminnut napatilernissaannik siuarsaanissamut Naalakkersuisut qanoq periarfissaqarsoraat? Tamatuma peqatigisaanik ernialersugaasunik taamaallaat taarsigassarsisitsisalernissaq isumaliutigineqarsimanersoq paasisutissiissutigineqassasoq kissaatigineqarpoq.

## 12. Suliassaqarfik 62-64 Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq

### 12.1 Konto pingaarneq 62.30.01 Atuisartoqarnermut Unammilleqatigiinnermullu Aqutsisoqarfik, allaffissorneq

- a) Kontomut matumunnga oqaasertaliussami allassimavoq pisortat inissiaataanni attartortittakkamit ataatsimit 66 kronet Ineqarnermut Naammagittaalliuteqarfiup ingerlatsineranut atorneqartartut. Aningaasat taakku aqutsisoqarfiup aningaasaqarneranut tamarmiusumut qanoq ilaatinneqarpat?
- b) Ineqarnermut Naammagittaalliuteqartarfiup ingerlatsinera pillugu ukiumoortumik nalunaaruteqartoqartassasoq inatsimmi allassimavoq. Ukiunit kingullernit tallimanit nalunaarutit nassiuuneqarnissaat Aningaasaqarnermut Akileraartarnermullu Ataatsimiititaliamit inussiarnersumik qinnutigineqarput.

12.2 Konto pingaarneq 64.01.04 Piginnaasanik ineriartortitsiviusumik pikkorissarnerit  
Suliffissaaleqisunut immikkut ittumik suliniutit ataanni ingerlatat kontomut pingaarnermut matumunnga nuunneqarnerat kiisalu ilinniartitaanermut immikkoortumut pilersaarutip kontomut pingaarnermut matumunnga aamma nuunneqarnissaa pissutigalugu aningaasaliissutit 7 millioner kronenik amerlineqarput. Suliassamili kisitsisinut takussutissiami sap. ak. Pikkorissartitsiviusut 62-iinnarnik amerleriarput. Tamanna ima paasineqassava kontoni atorunnaartuni marlunni maannamut ingerlatat katillutik taamaallaat sap. ak. pikkorissartitsiviusunik 62-inik amerlassuseqarsimasut imaluunniit suliassanut takussutissiaq tamakkiisuunngila? Nassuiaateqarnissaq naatsorsuutigineqarpoq.

### 12.3 Konto pingaarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartortitsineq

Naalakkersuisut naliliippat konto pingaarneq una kontolluunniit pingaarnerit allat aqutigalugit nunaqarfinni isorliunerusunilu inuussutissarsiornermi ineriartortitsinissamut naammattumik periarfissiisoqartoq aammalu takornariartitsinermi, aalisarnermi/piniarnermi/nunalerinermi, suliareqqiinermi, sanalunnermi inuussutissarsiuutaasinnaasunilu allani aallarnisaasunut aningaasalersueqataasinnaasut naammattut? Ukiuini kingullerni pingasuni aningaasaliissutit ilaat qanoq amerlatigisut ukiumut isumasioqatigiinnernut, paasissutissanik suliaqarnermut, avataaneersunik ikiorteqarnermut, misissueqqissaarnermut pilersaarusernermullu aammalu pikkorissarnermut atorneqartarpat? Nuna tamakkerlugu pilersaarummut nassuiaatissami inuussutissarsiornermi ineriartortitsinermut innuttaasut peqataanissamut periarfissaannut akimisaarutaasinnaasut aamma nalunaarsorneqarsimanersut paasissutissiissutigeqqullugu Naalakkersuisut naggasiullugu qinnuigineqarput. Tamatuma saniatigut konto pingaarneq una aqutigalugu nunaqarfinni isorliunerusunilu siuariartorneq naatsumik nassuiaatigeqqullugu Naalakkersuisut qinnuigineqarput.

### 12.4 Konto pingaarneq 64.10.12 Nioqqtissanik pilersuineq

Paasisitsiniutinik, misissueqqissaarnermik, piareersarnermik aammalu pilersuinermit tunngasunik ineriartortitsinermi avataanit ikiorteqarnermut ukiuni kingullerni pingasuni kontomi pingaarnermi matumani aningaasat qanoq amerlatigisut atorneqarsimappat. Tamatumunnga ilanngullugit nioqqtissanik pilersuineq, ikummatissanik pilersuineq, allakkeriveqarneq oqarasuaateqarnerlu kiisalu ilaasunik angallassineq? Pisariillisaanerit aqutigalugit kontomi pingaarnermi matumani aningaasartuutit ungasinnerusoq isigalugu ikilisinneqarsinnaappat imaluunniit akierlianik imaappa pisariillisaanikkut iluanaarutaasinnaasut tamarmik maanna pissarsissutaareersut?

### 12.5 Konto pingaarneq 64.10.17 Nunami inuussutissarsiutinut takornariartitsinermullu ta-piissutit

- a) Suliniutinut angisuunut/aatsitassarsiordermi suliniutinut 4 mio. kr.-inik aningaasaliis-suteqartoqartoq paasineqarpoq. Aningaasaliissutit takku qanoq suliniutinullu sordia-nut atugassiissutigineqarpat? Aammalu konto una konto 64.10.25-mut qanoq at-tuumassuteqarpa?
- b) AI 2015-imut sanilliullugu ammit 8.800-inik ikinnerusut pisarineqarnissaat naatsor-suutigineqartoq suliassami kisitsisini allassimavoq. Ammit 8.800-erpianik ikinneru-nerannut suna pissutaarpiarpa?
- c) Paasititsiniutinik suliaqarnermut, nakkutilliinermut, nalilersuinermit aammalu kontop pingaarnerup atuuffianik ineriartortitsinermut avataanit ikiorteqarnermut ukiuni kin-gullerni pingasuni kontomi pingaarnermi matumani aningaasat qanoq amerlatigisut ator-neqarsimappat?

### 12.6 Konto pingaarneq 64.10.25 Suliniutit angisuut

Suliniutit maanna killiffia naatsumik nassuiaatigeqqullugu Naalakkersuisut qinnuigineqar-put. Taamatuttaaq suliniutit siunissaanut naatsorsuutigisatit ajornanngippat takussutissioq-qullugit Naalakkersuisut qinnuigineqarput.

### 12.7 Konto pingaarneq 64.10.27 Inuussutissarsiutit ineriartortinnerinut pilersaarinerinullu suliniutit

- a) Pilersaarinermit inuussutissarsiutinillu misigisassaqtitsiviusunut 1,6 millioner kro-net peerneqannginnissaat AI 15-imut atatillugu Inatsisartunit annertuumik taperser-neqarpoq. Tamanna ima paasineqassava aningaasat taakku kontomut matumunnga ilanngunneqartut aammalu siunertamut tassungarpiat aningaasat attatiinnarneqarnerat suliassanut takussutissiami sumerpiat takuneqarsinnaava?
- b) Immikkoortup kingulliup tulliani Kuannersuarmi pilersaarut taaneqarpoq. Aatsitas-sarsiordermi suliniummik taassuminnga ersersitsineq allassimasup itisilernerneqarnissaa Aningaasaqarnermut Akileraartarnermullu Ataatsimiititaliamit kissaatigineqarpoq, tassami aatsitassarsiordermi suliniummik nittarsaassisoqassappat tamanna kontoqar-fiup 66-ip ataani pilersaarutigineqannginnera ataatsimiititaliamit aallaaviatigut so-qtiginarinneqarmat. Tassaniinnissaami pissusissamisoorsorinarmat.
- c) Ingerlatassap taamaattup kontoqarfiup 66-ip aanut siunissami inissinniarneqanngin-neranut immikkut tunngavissaqarpa aporfissaqarluniluunniit? Allatut oqaatigalugu Kuannersuarmi pilersaarummik nittarsaassinissap aningaasallu tassunga tunngasut kontoqarfik 66-imut nuunneqarnissaat allaffissornikkut ajornassava?
- d) Kontomi pingaarnermi isertitarineqartut konto pingaarnerup siunertarisaasa assigiin-ngitsorpassuit iluini ingerlatanut allanut ator-neqassasut missingersuutinut ilanngus-sami immikkoortumi kingullermi paasissutissiissutigineqartoq ataatsimiititaliap malu-giniarpaa. Taama oqaasertaliineq ataatsimiititaliamit akuerineqarsinnaanngilaq. Siul-lertut konto pingaarnermut aningaasaliissutit siunertarisaat suliniutinut ingerlatanullu ima amerlatigisunut assigiinngiaartigippat aningaasat sumut ator-neqarnissaat Inatsi-sartunit allaat ilisimaneqarnani.

Aappaattut allassimasut missingersuusiordermut inatsimmi ilanngaattissat ilanngaati-gereernagit periuseq pillugu oqaatigineqartunut toqqaannartumik akerliupput, taanna malillugu aningaasaliissutit iluini amerlaqataannik isertitaqarnerunissaq innersuus-sutigalugu aningaasartuuteqarnerusoqarsinnaanngila (missingersuusiordermut inat-simmi ilanngaattissat ilanngaatigereernagit periutsumik sanioqutsinissamut inatsisiti-gut immikkut tunngavissinneqarnissaq pisariaqarpoq). Taamaattumik konto pingaar-nermut oqaasertaliussamik saqqummiussinerimikkut Naalakkersuisut allannguutissatut

siunnersuummik saqqummiussinissaat pisariaqarpoq, taamaaliornikkut aningaasaliisuteqarnermi tunngavigisat taaneqartut aningaasanut inatsisissatut siunnersuummi erseqqissumik allassimalersinnaaqqullugit. Aammattaaq konto pingaarnerup ataani isertitarineqarsinnaasutut isertitat assigiinngitsut ataasiakkaat aningaasartalersornerisigut aammalu isertitarineqartut taakku ilaat qanoq amerlatigisut siunertamut pineqartumut atoqqinneqarnerat pillugu aningaasaliinermi tunngavigisat assigiisarneqarlutillu erseqqissarneqarnissaat isumaliutigilluarneqarsinnaavoq. Ataatsimiititaliap piumasaanut malinninniarlutik Naalakkersuisut akuersaarnerminnik uppernarsaanissaat naatsorsuutigineqarpoq.

#### 12.8 Konto pingaarneq 64.13.19 Nuttarneruleersitsiniarluni aningaasaliissutit

- a) Innuttaasut nuttarneruleersitsiniarluni aningaasaliissutinik pisariaqartitsisut ineqarniarnikkut aporfissanik sunik misigisaqartarpat? Nuttarneruleersitsiniarluni aningaasaliissutinik qinnuteqartut amerlanersaat kommunit sorlerneerpat? Aaqqissuussineq iluatsilluartutut oqaatigineqarsinnaava?
- b) Suliffeqarnermi nuttarneruleernissaq anguniarlugu aaqqissuussinerup annertusineqarnissaanut Naalakkersuisut qanoq periarfissaqarsoraat – tassami tamatuma pisariaqartinneqarnera ersarimmat, tamannalu ilaatigut ersersinneqarpoq sulisussaaleqineq pisutigalugu Qasigiannguani tunisassiorfimmi aalisakkat tunisassiassat igiinnartari-aqarsimanagerisigut.

#### 12.9 Konto pingaarneq 64.13.21 Piginnaanngorsaaqqinneq

Aningaasaliissutit allanngunngitsoq suliassami kisitsisit soq 30 %-imik appariarpat. Innuttaasunik piginnaanngorsaaqqittarnermik aaqqissuussineq 30 %-imik akisunerulersimava imaluunniit paasissutissat kukkuneqarpat?

#### 12.10 Konto pingaarneq 64.13.23 Piareersarfiit

- a) Konto pingaarnerup 64.13.25-ip, suliffissaaleqisunut immikkut ittumik iliuuseqarnermut tunngasup, atorunnaarsinneqarneratigut aningaasaliissutit amerlineqarsimasut ataatsimiititaliap paasivaa. Taamatut nuussineq soq ingerlanneqarsimanersoq nasuiaaserneqarsimasorinangilaq. Konto pingaarnerup 64.13.23-p 2016 aallarnerfigalugu nulinnngortinneqarnissaa pilersaarutaasimavoq. Tamanna ataatsimiititaliamit ima paasineqassava suliffissaaleqisut amerliartornerat immikkut ittumik iliuuseqarfigisasatut Naalakkersuisunit isigineqarunnaartoq?
- b) AIS 2015-imut atatillugu immikkut ittumik iliuuseqarneq pillugu ataatsimiititaliap apeqqutaanut Naalakkersuisut akissutaanni takuneqarsinnaavoq ”Suliassaqartitsiniarnermi periusissiaq 2015”-ip aallartinneqarnissaa Naalakkersuisunit kissaatigineqartoq. Periusissiaq taanna Naalakkersuisut nittartagaanni pissarsiarineqarsinnaasorinangilaq, taamaallaalli 2014-17-imi atuuttussaq ersilluni. Taamaattumillu 2015-imi atuuttup assilineranik nassinneqarnissani ataatsimiititaliap kissaatigaa. Tamatuma peqatigisaanik suliffissaaleqineq akiorniarlugu suliniarneq qanoq ilillugu ingerlateqqinneqarnersoq paasissutissiissutigineqassasoq ataatsimiititaliamit kissaatigineqarpoq. Oqaasertat konto pingaarnermi 64.13.25-mi allassimasut attatiinnarneqarnissaat Naalakkersuisunit kissaatigineqarpa imaluunniit suliffissaaleqinermik akiuiniarneq allatut ilusilerneqalersarpa, tassami konto pingaarnermut 64.13.25-imut, suliffissaaleqisunut immikkut ittumik iliuuseqarnermut tunngasumut, missingersuutitut ilanngussami oqaasertat kontomi pingaarnermi matumani allassimannngimmata? Iliuusissat suut pilersaarusiorneqarsimappat aammalu iliuusissat taakku iluatsitsivi-unissaannut piumasaqaatit suut nalunaarneqarsimappat?



- c) AIS 2015-ip suliarineqarneranut atatillugu Naalakkersuisut ataatsimiititaliamut paasissutissiippat 2014-imi suliniuteqarnerup nalilerneqarnera ukioq manna oktoberip naanerani naammassineqartussatut naatsorsuutigineqartoq. Taanna saqqummiuneqarniariarpat taassuma assilineranik nassinneqarnissani ataatsimiititaliap naatsorsuutigaa. Aammattaaq naliliinerup taassuma Inuussutissarsiornermut Ataatsimiititaliamut ilanngullugu nassiuuneqarnissaanik Naalakkersuisut ataatsimiititaliamit qinnuigineqarput.
- d) Aningaasat atorineqarfissaat tallimat Naalakkersuisunit immikkoortiterlugit nalu-naarsorneqarput. Imm. 5-itut sannavinnik aallartitsinissaq taaneqarpoq. Sannaviit taamaattut atorineqarsimappata taakku Naalakkersuisunit qanoq misilittagaqarfigneqarpat?
- e) Pisortat suliassaqaarfiisa ineriartortinneqarnerat pillugu ull. 4. juni 2015-imi ataatsimeersuarnermi Aningaasaqarnermut Aatsitassanullu Naalakkersuisoq saqqummiigami assersuutigalugu ima paasissutissiivoq:
  - a. "16-18-inik ukiullit 63,5%-ii 2014-imi inniinnagaqalersimangillat. Tassa inuusuttut ilinniarfiini imaluunniit efterskolimi atualersimangillat.
  - b. ingerlariaqqiffissatut ilinniarnermut ukiumut katillugit 120 mio. kr.-it missaat atorineqartarput, tassa efterskolenut piareersarfinnullu. Sooq taakku pisariaqarpat? Pitsaannerusumik iliuuseqarfigneqarsinnaappat?"

Taama oqariartuuteqarneq ataatsimiititaliamit ima paasineqassava efterskolit tunngaviumik atuarfiup (meeqqat atuarfiata) ilaatut isiginagit nalinginnaasumik atuarnepup kingorna nalinginnaasumik ilinniarfittut imaluunniit ilinnialernissamut piareersarfittut Naalakkersuisunit isigineqalersimasut? Inuussutissarsiuteqalernissamut ilinnialernissamulluunniit piareersarnertut ilinniarnerit suut Piareersarfimmiinnermi ingerlanneqarsinnaappat?

#### 12.11 Konto pingaarneq 64.13.26 Suliffik.gl

- a) Suliniut nutaaq taanna pissanganartoq sumut killippa?
- b) Suliniut tamanna inatsisip siunertarisaata kontomut pingaarnermut matumunnga maleruagassatigut tunngaviusup eqquutsinneqarnissaanut qanoq ilapittuisussatut naatsorsuutigineqarpa?
- c) Aningaasat immikkoortinneqartut ilaat qanoq amerlatigisut "paasissutissiisarnermut atortunik, avataanit ikiorteqarnissamik, atorfiillu pillugit nittartakkamik nalilersuinnermik suliqaarnermut aningaasartuutitut kiisalu ikorfartuisartut aningaasarsiassaanut" atorineqarnissaat Naalakkersuisut naatsorsuutigaat?
- d) Pisortani atorfinnik tamanut saqqummiussinissamik piunasaqaatit suliffik.gl-imit eqquutsinneqarpat?

### 13. Suliassaqarfik 66 – 67 Aningaasaqarnermut Aatsitassanullu Naalakkersuisoq

#### 13.1 Konto pingarneq 66.01.01 Aatsitassanik Aqutsisoqarfik – Allaffissorneq

Aatsitassarsiornerup uuliasiornerullu iluani akuersissutit qassit aningaasanut inatsisip atuuffiani utertinneqartussatut naatsorsuutigineqarpat?

#### 13.2 Kontot pingarnerit 67.01.01 Aatsitassanut Ikummatissanullu Naalakkersuisoqarfik aamma 67.01.02 Geologimut Immikkoortoqarfik

- a) Aatsitassanut Ikummatissanullu Naalakkersuisoqarfiup, Aatsitassanik Aqutsisoqarfiup aammalu Aatsitassanut tunngasunut Avatangiisinut Aqutsisoqarfiup akornanni akisussaaffik qanoq agguataagaava? Aammalu minnerunngitsumik aatsitassarsiornermut ingerlatanut atatillugu Inuussutissarsiornermut, Suliffeqarnermut Niuernermullu Naalakkersuisoqarfimmi ingerlatat assigiinngitsut akornanni allaffissornikkut ataqatigiinneq eqqarsaatigalugu? Atuuffiit agguataarneqarnerat ataatsimiititaliamit ersarissumik paatsuugassaannngitsumillu takuneqarsinnaanngilaq.

Ataasiinnarmik saaffissaqarnikkut (one-door) aatsitassanut tunngasutigut ingerlatat tamarmi-usut Aatsitassanut Pisortaqarfiusimasumi ataatsimoortinneqarnissaannik assut pingaartitsisimaneq tamatumani ilaatigut eqqarsaatigineqarluni. Aatsitassanut inatsisip 2012-imi allanngortinneratigut avatangiisinut tunngasut aatsitassanut tunngasunit avissaartinneqarput. Aatsitassanut tunngasumi allaffissornikkut ingerlatat maanna avissaartillugit immikkoortitaartumik ingerlanneqalersimasorinarnerannut inatsisitigut allanngineq taanna ataatsimiititaliap isumaa malillugu tamakkiisumik nassuiaatissaasorinangilaq.

- b) Aatsitassanut ingerlatanut tunngatillugu ingerlatat assigiinngitsut naalakkersuisoqarfinnut assigiinngitsunut inissillugit maanna aaqqissuussineq ima paasineqarsinnaava; aatsitassanut tunngasuni ataasiinnarmik saaffissaqarnissamik taamani tunngavigineqartoq naapertuutinnngitsutut Naalakkersuisunit nassuerutigineqarsimasoq?

## 14. Suliassaqarfik 70 – 72 Ineqarnermut, Sanaartornermut Attaveqarnermullu Naalakkersuisoq

### 14.1 Konto pingaarneq 70.01.04 Sanaartornermi aqutsineq suliniutinullu aningaasartuutit

- a) Suliassat INI Byggeteknik A/S-ip ataaniittut qitiusumik allaffeqarfimmumut utertineqarput. Tamanna qanoq angusaqarfua? Sulisut nuunneqartunit qanoq amerlatigisut sinneruppat? Tunniussinerup iluatsiffiunissaanut suut piumasaqaataasimappat? Utertitsineq iluatsitsiffiua?
- b) Sanaartugassanut Iluarsagassanullu Aningaasaateqarfimmi aningaasaliissutinik pivisorsiornerusumik atuinnissamik Aningaasaqarnermut Ataatsimiititaliap kaammattuutaanik ilaatigut malinninnernut utertitsineq isigineqarsinnaava?
- c) Sisimiuni ingeniørut isittumilu ingeniørut akuutinniarlugit sunik suliniuteqartoqarpa?

### 14.2 Konto pingaarneq 72.02.03 Boligstøtte pillugu aqutsinermut pilersaarusionermullu aningaasartuutit

- a) Naak suliffeqarfik COWI misissueqqammeraluartoq pisortat inissiaataannik misissueqqinnissamik Naalakkersuisut pilersaaruteqarpat? Tamanna Naalakkersuisut uppersarsinnaavaat? Taamaassimappat ajornartorsiut tamanna pingaartumiillu nutaamik misissuinnissamik pisariaqartitsinermut tunngavilersuutit erseqqinnerusumik nassuiaatigeqqullugit Naalakkersuisut qinnuigineqarput.
- b) Piffissami susoqarfiunngitsumi illut qanoq amerlatigisut qorsummiit sungaartunngorsimasussatut sungaartumiillu aappaluttunngorsimasussatut naatsorsuutigineqarpat? Maanna misissuinnissani illut periuseq tamanna atorlugu misissorneqartussatut naatsorsuutigineqarpat?

### 14.3 Konto pingaarneq 72.06.51 Inissianik tunisineq – ilanngaaseereerluni tunniussineq

- a) Inissiat tunineqartussatut naatsorsuutigineqartut sooq ikilisinneqarpat – illut najugarineqarsinnaasutut oqaatigineqarsinnaasut tamarmik maanna tunineqarsimalerpat?
- b) Boligstøtte atorlugu iluliaasimasut tunineqartussat sooq ikinnerunissaat naatsorsuutigineqarpa – boligstøtte atorlugu illuliat najugarineqarsinnaasutut oqaatigineqarsinnaasut tamarmik maanna tunineqarsimalerpat?
- c) Sulisorisanut inissianik aamma Naalakkersuisunut/pisortanut inissianik ukiut kingullit ingerlanerini nalinginnaasumik inissiannortitsisoqarsimava? Tamatuma kingorna inissiat taakku ilaat tunineqarsimappat? Inissiat taakku qanoq akilersillugit tunineqarsimappat? Tunineqartut katillugit qanoq akeqarnerat aammalu m2-erinnorglugit nalunaaqquneqarput aammalu sumiiffimmi pineqartumi niuerfimmi akiusunut sanilluteqquneqarlutik. Nikingassutaasinnaasut nassuiaateqarfigeqquneqarput. Kisalu taama iliorneq inatsisimmik sorlerpiamik tunngaveqarluni pisimanersoq paasissutis-siissutigeqquneqarpoq – tamanna sukumiisumik itisilernerqassasoq kissaatigineqarpoq.
- d) Taarsigassarsiniartuq Nuummi taassumaluunniit avataani najugaqartuunersoq apeqqutaatinnagu realkreditimut taarsigassarsiniartut aningaasaqarnerannik aningaaseriviit realkreditinstitutillu naliliisartut Naalakkersuisut uppersarsinnaavaat?
- e) Illuutinik tunisinermut atatillugu aningaasalersuineq pillugu kommuninik sulleqateqarneq qanoq ippa? Tamatumani aamma 20/20/60-imik aqqissuussineq ilann-gullugu?
- f) Illorput 2001-imik taagorneqartut qanoq inissisimappat? Taakku qanoq piumaneqar-tigaat? Innuttaasut illunik taamaattunik pissarserusuttut qanoq isertitaqqortutiginersut Naalakkersuisunit oqaatigineqarsinnaava?
- g) Sulisorisanut inissianik aamma Naalakkersuisunut/pisortanut inissianik allann-guisoqarsimappat inatsisitigut tunngavissaq sulisorisanik inissianik taakkuninngarpiaq

allannguissamut piginnaatitsisoq tigussaasumik innersuussutigineqassasoq ataatsimiititaliamit kissaatigineqarpoq.

- h) Nuup avataani realkreditimit taarsigassarsinissamut periarfissat sumut killippat? Sinerissami taarsigassarsisitsinissamut aporfissat killiliisullu suut realkreditimik ingerlatseqatigiiffinit taaneqarpat?

#### 14.4 Konto pingaarneq 72.20.07 Nakkutilliineq misissuinerlu, angallanneq

Aningaasaliissutit ilaat qanoq amerlatigisut ingerlatsinermi suliassanut atorneqartarpat aammalu aningaasat ilaat qanoq amerlatigisut avataanit sullississutinik pisinernut atorneqartarpat?

#### 14.5 Konto pingaarneq 72.26.02 Mittarfeqarfiit

- a) Konto pingaarnermut matumunnga oqaasertaliussat malillugit ukiunut kingusinnerusunut immikkoortitsisoqarsinnaavoq. Immikkoortitat taakku annertussusissaat atuuffigisinnaasaallu killilersorneqarpat?
- b) Mittarfeqarfiit ukiumi aningaasanut inatsiseqarfiusumi 2016-imi ukiunilu missingersuusiorfiusuni 13 mio. kr.-it pallillugit nunatta karsianut akiliuteqartartut konto pingaarnermi allassimavoq. Assersuutigalugu Mittarfeqarfiit illutaasa atortuisalu aserfallatsaalineqarneranni kinguaattooruteqarnerup annikillisinneqarsinnaanera ilutigalugu aningaasat taakku suliffissanik pilersitsinermut atorneqarsinnaanerat eqqarsaatigineqarsinnaava?
- c) Mittarfeqarfiit pingaarnertut suliassaqarfittut ingerlataqarfiinik nutarterillunilu tunaartalersuineramik sulineq qaqugu naammassineqartussatut naatsorsuutigineqarpat?
- d) Kangerlussuup angallannermi atuuffiata allanngortinneqarnissaanik Naalakkersuisut pilersaaruteqarnerisut aammalu tamanna aningaasalersuinikkut qanoq kinguneqarsinnaanersoq paasissutissiissutigineqassasoq ataatsimiititaliamit kissaatigineqarpoq.

## 15. Suliassaqarfik 73 – 77 Pinnngortitamut, Avatangiisinut Inatsisinillu Atuutsitsiner-mut Naalakkersuisoq

### 15.1 Konto pingaarneq 73.94.02 Nukissiorfiit

- Nukissiorfiit aatsaat 2019-imit nunatta karsianit toqqaannartumik tapiiffigineqaratik ingerlalnissaat Naalakkersuisut aalajangiusimavaat aammalu siunissami akeqartitse-riaasissaq nutaaq pillugu Naalakkersuisut isumaliuteqarpat?
- Nunaqarfinni assigiinngitsuni pissutsit qanoq ippat piffissamilu qaninnermi qanoq iliuuseqartoqarnissaa naatsorsuutigineqarsinnaava?
- Nukissiorfiit aktiaateqarluni ingerlatseqatigiiffinngortinneqarnissaannut maanna Naalakkersuisuusut pilersaaruteqarpat?

### 15.2 Konto pingaarneq 73.94.03 Nukissiorfiit, aqqusinermi qaammaqquteqarneq

Kontomi pingaarnermi matumani aningaasat kommuninut qaqugu nuunneqarsinnaaner at ajoraluartumik aalajangersimasumik piffissalerneqarsinnaanngitsoq AIS 2015-ip suliari-neqarneranut atatillugu Naalakkersuisut paasissutissiippat. Aammattaaq akisussaaffiup kommuninut tunniunneqarnissaanut kommunit Namminersorlutillu Oqartussat akornanni isumaqatigiinniarnit apeqqutaasut Naalakkersuisut paasissutissiissutigaat. Isumaqatigiinnia-nerit taaneqartut aallartisarneqarsimanersut paasissutissiissutigineqassasoq ataatsimiititalia-mit kissaatigineqarpoq.

### 15.3 Konto pingaarneq 73.94.04 Nukissiorfiit, erniat

- Maanna ukiumut ernianut akiliutigineqartartoq 6 %-iuvoq. Erniat annertussusissaattut maanna atorneqartoq niuerfinni erniaq atuuttoq aallaavigalugu aalajangersarneqarpa?
- Taarsigassarsiat ukiuni 20-ni taarsersorneqarnissaat Nunatta Karsianut aningaasaqar-nikkut pissarsiaqaataanerpaasussatut isigineqarpa?
- Nukissiorfiit namminneq taarsigassarsippata tamanna Nunatta Karsianut aningaa-saqarnikkut pitsaaquteqarlunilu pitsaanngequteqassava?

### 15.4 Konto pingaarneq 73.95.02 Erngup nukinganik misissueqqaarnerit

- Erngup nukinganik pilersuinissamut illoqarfinni mikisuni nunaqarfinnilu periarfissa-nik misissuilluni nalunaarsuineq 2015-imi aallartinneqartussatut naatsorsuutigineqar-toq AIS 2015-ip sularineqarneranut atatillugu Naalakkersuisut paasissutissiippat. Ukiuni aggersuni pilersaarutit/sumiiffiit siunniunneqartut suuppat? Nunaqarfinni ern-gup nukinganik innaallagissiorfinnik nukissiuutinilluunniit ataavartunik allanik piler-sitsinissamut Naalakkersuisut qanoq pilersaaruteqarpat?
- Erngup nukinganik maanna misissuinerit piffissamilu aggersumi misissuinissat killif-fiat paasissutissiissutigeqquneqarpoq.
- Avatangiisinut silallu pissusaanut tunngasumik iliuutsinut immikkut siunnerfilimmik avatangiisinut immikkut akitsuummik ikummatissat akiisa assersuutigalugu 0,5 lite-rimut qaffanneqarnerat erngup nukinganik misissuinerit immiunut akilersinnaassutsi-mut naatsorsuinerit sunnerneqassappat?
- Aasiannut Qasigiannuanullu pilersuinnaasumik erngup nukinganik innaallagissior-filiornissamik Naalakkersuisut pilersaaruteqarpat?

### 15.5 Konto pingaarneq 73.95.03 Nukissiornermut kisitsisitigut paasissutissat aamma min-gutsitsisunik aniatitsinerit naatsorsuutit

NOx-imik aniatitsineq nunatsinni innaallagissiorfinni ajornartorsiutaasutut Naalakkersuisunit isigineqarpa aammalu NOx-imik aniatitsinerup minnerpaaffissaaniitinneqaaqqullugu Naalak-kersuisut qanoq iliorpat?

15.6 Konto pingaarneq 73.95.04 Nukissiuutit ataavartussat, nukissiuutitigut pitsanngorsaanerit aamma silap pissaa eqqarsaatigalugit ineriartortitsinissamut suliniutit

- a) "2018-mit 2012 ilanngullugu gassinik kissattoorutinik aniatitsinermik annikillisaanermut sunniutaasinnaasunut nalunaarusiap" nutarterneqarnissaa Naalackersuisut pilersaarutigaat? Taamaassimangippat nalunaarut piffissami aningaasanut inatsisip atuuffiani tamakkiisumik ajornartorsiutitaqanngitsumillu matussusiisoq Naalackersuisut isumaqarpat? Imaatigut angallannermit aniatitat nassuiaammik naammattumik qulaajarneqartut Naalackersuisut isumaqarpat? Aningaasaliissutit ukiuni kingullerni pingasuni qanoq atorneqarsimappat?
- b) Nukissiuutinik mikinernik ineriartortitsinerup killiffia paasissutissiissutigineqassasoq ataatsimiititaliamit inussiarnersumik qinnutigineqarpoq.

15.7 Konto pingaarneq 73.95.06 Alapernaarsuineq suliniuteqarnerillu, silap pissusaanut nukissiorfinnullu suliassaqaarfik

- a) Missingersuutitut ilanngussaq malillugu kontomi matumani aningaasat siunertanut assigiinngitsorpassuarnut atorneqarsinnaapput. Aningaasaliissutilli amerlavallaanngilat. Aningaasat ukiuni kingullerni pingasuni qanoq tulleriariffigineqarsimappat? Aningaasaliissutit iliuutsinik tunisassianillu sorpionik kinguneqarsimappat?
- b) Suliassat aningaasassaqaarnani sulisussaqaaranilu qanoq ingerlanniarnearpat?

15.8 Konto pingaarneq 77.01.02 Aatsitassanik Suliassaqaarfinnut Avatangiisinut Aqutsisoqarfik

Avatangiisinut/aatsitassanut allaffeqarfiit sinnerinit aqutsisoqarfiup peerneqarnerata kingorna suliassat maanna siunissamilu qanoq isumaginiarneqarpat?

15.9 Konto pingaarneq 77.03.04 Inuit Pisinnaatitaaffinut Kalaallit Nunaata Siunnersuisoqatigiivi

Siunnersuisoqatigiit sulinerat sumut killippa?

15.10 Konto pingaarneq 77.05.01 Eqqakkanut tunngasut

- a) Eqqagassalerineq eqqagassanillu passussineq siunissami suliffissaqartitsiniutitut isigineqassasoq Naalackersuisut anguniagaraat?
- b) Tamanna imminut akilersinnaava? Taamaangippat eqqagassalerineq qanoq imminut akilersinnaasunnagortinneqarsinnaava?
- c) Eqqagassanik naggorissaatiliorneq saanngutiliornerlu pillugit Sisimiuni misilittakkat atorluarneqarpat?

15.11 Konto pingaarneq 77.05.02 Pinngortitaleriffik

- a) Pinngortitaleriffiup suliassaqaarfiisa suliassaasalu annertusineqarnissaat qanoq pilersaaruteqarfigineqarpa?
- b) Biologit siunnersuutaannit annertunungaartumik raajanik, qaleralinnik saarullinnillu pisassiissutit Naalackersuisut aalajangersaapput. Allaat saarullinnik pisassiissutit biologit siunnersuutaat 102 procentimik sinnerlugit annertussusilerneqarput, tak. nalininnaasumik nassuiaatini immikkoortoq 3.5. Tassa marloriaataat sinnerlugu. Piffissami sivikitsumi suliffissaqartitsinariineq eqqarsaatigalugu biologit siunnersuinerat malinneqanngittuassappat biologit siunnersuinerannut pisortat aningaasaataannik atuinisaaq ilumut naleqquttuunersoq taamaalilluni isumaliutigineqarsinnaavoq. Taamatut isigininneq tunngavigalugu aningaasaliissutit AI 2015-imit AIS 2016-imit ikilineqartut Naalackersuisunit tamakkiisumik eqqunnginneqarsinnaava?

15.12 Konto pingaarneq 77.05.03 Avatangiisit, uuliaarluernernik akiuinnermut atortunik pisinermut tapiissutit

Atortut umiarsuit orsussaannik atuisinnaanginnerat ajornartorsiutaava, orsussarmi taamaattoq RAL-ip umiarsuartaavisa atortussaavaat? Atortunik umiarsuit orsussaannik atuisinnaasunik pisinissaq pillugu qanoq pilersaaruteqartoqarpa?

15.13 Konto pingaarneq 77.05.07 Avatangiisit innarlitsaaliorneqarnerat

Ingerlatsinermut aningaasaliissutit pineqarmata missingersuusiornermut malittarisassaq 2008-meersoq malillugu suliassami kisitsisit eqqortut aningaasaliissutillu aqutigalugit suliassamik takussutissiissut suliareqassapput. Aappassaaneerinissamut allannguutissatut siunnersuuteqartoqarnissaa naatsorsuutigineqarpoq.

15.14 Konto pingaarneq 77.05.08 Avatangiisinut atortunut tapiissutit

- a) Suliassaqarfimmi killiffik Aningaasaqarnermut Ataatsimiititaliap inussiarnersumik qinnutigissavaa.
- b) Kiaap pilersuisinnaassutsillu sinneruttup atorluarneqarnissaa siunertaralugu konto pingaarnermi matumani aningaasaliissutit atorneqarsinnaanersut Naalakkersuisunit isumaliutigineqarsimava?

## 16. Suliassaqarfik 80-89 Ineqarnermut, Sanaartornermut Attaveqarnermullu Naalakkersuisoq

### 16.1 Konto pingaarneq 80.00.80 Aningaasat suliniutinik aallartitsinissamut sillimmatit Konto pingaarneq una oqartussaasunit sorlernit pingaarnertut akissussaaffigineqarpa?

### 16.2 Konto pingaarneq 83.30.12 Utoqqaat angerlarsimaffii

- a) Kommunit assigiinngitsuni sanaartugassanut Naalakkersuisut aningaasaliissutigisartagaasa atugassiissutigineqartarnerat pillugu ajornartorsiut ataatsimiititaliap missingersuutit pillugit isumasioqatigiinnerani saqqummiunneqarpoq. Piffissat sanaartugassanut ataasiakkaanut aningaasaliussanik Naalakkersuisut atugassiissutiginniffigisartagaasa aammalu kommunit sanaartugassanut taakkunungarpiaq missingersuutitigut pilersaarutigisaasa ataqatigiissaarniarnerat ajornartorsiutitaqarnarsorinarput. Suliasaqarfimmi tamatumani qanoq annertutigisumik ataqatigiissaarisooqartarpa?
- b) Ataatsimiititaliap Tasiilamut angalanermini ilaatigut paasivaa napparsimmaviup ator-tuisa ilaannut napparsimasunut naatsorsuussanut napparsimmaviup matui amippallaartut. Taamaattumillu assersuutigalugu ikuallattoqalissagaluarpat napparsimasut isumannaatumut sukkasuumik pissunneqarsinnaaner atajornartorsiutaasinnaasoq. Taamaattoqarnera Naalakkersuisut isumaat malillugu immikkuullarissuunersoq aammalu napparsimmavinni suliffeqarfinnilu allani ininik inissitsititerinermi atortunillu atuinermi napparsimasut sulisullu isumannaatsuunissaannik uloriarnartorsiortitsinnginnis-saq Naalakkersuisunit qulakkeerneqarsimanersoq paasissutissiissutigineqassasoq ataatsimiititaliamit kissaatigineqarpoq.

### 16.3 Konto pingaarneq 84.40.10 Kommuniti atuarfiit

- a) Naalakkersuisut atuarfinnik nutaanik sanaartornissamik iluarsaanissamillu suliaqarneranni atuartut pitsaasumik avatangiiseqarnissaannik isiginninniarnaq qanoq ilaatinneqarpa?
- b) Kommuniti atuarfinnut immikkoortumut pilersaarutinik suliaqarnissamut akissussaaffik Namminersorlutik Oqartussaniinnersoq kommunitiinnersorluunniit paasissutissiissutigeqqullugu Naalakkersuisut qinnuigineqarput?
- c) Meeqqat atuarfiat pillugu immikkoortumut pilersaarummik suliaqarqullugit kommunit kaammattorneqarsimasut Naalakkersuisut paasissutissiippat. Kaammattuut taanna kommunit qanoq isumaqarfigineqarsimava? Meeqqat atuarfiat pillugu kommunit immikkoortumut pilersaarutaat qaqugu naammassineqassanersut Naalakkersuisut ataatsimiititaliamut paasissutissiissutigisinnaavaat?
- d) Ilaatigut nunaqarfinni atuarfiit akikitsumik assigiissakkamik iluseqartinneqarnissaat suliaqarqullugu Aningaasaqarnermut Ataatsimiititaliaasimasup arlaleriarluni kaammattuutigisarsimagaa ataatsimiititaliamit maluginiarneqarpoq. Maanna Aningaasaqarnermut Akileraartarnermullu Ataatsimiititaliaasup tamanna isumaqatilluin-narpaa, taamaattumillu taamatut suliniuteqarneq sanaartornermi aningaasartuutitut qularnanngitsumik annikillisaataasusaaq piviusunngorteqqullugu Naalakkersuisut kaammattussallugit.
- e) Aammattaaq Namminersorlutik Oqartussat atuarfiit sanaartugaasa iluarsagaasaluunni-it peqqussutit malillugit aserfallatsaalineqarnissaat kommunit aningaasaqarnikkut iluaqutissartaqanginnera naapertuutinngilluinnartoq Aningaasaqarnermut Ataatsimiititaliaasimasup siusinnerusukkut tikkuar-paa. Pissutsit taamaannerisa allannguuteqar-nissaat ukioq manna aammaarluni ilimanaateqanngilaq. Ajornartorsiummut pissutaa-sut marluk immikkoortumi siullermi Naalakkersuisunit taaneqarput. Ataatsimiititaliap



isumaa malillugu ajornartorsiutit taakku atuarfinnut aalajangersimaqqissaartunut atuumassuteqartinneqartariaqarput.

Ajornartorsiutit taakku marluk aaqqiiviginiarlugit atuarfiit sorliit aalajangersimasumik Naalakkersuisunit iliuuseqarfigineqarsimappat?

Ajornartorsiutit taakku marluk aaqqiiviginiarlugit atuarfinni sorlerti Naalakkersuisut aalajangersimasumik sulii iliuuseqanngillat?

#### 16.4 Konto pingaarneq 84.40.12 Ilinniartitaanermut sanaartukkat

Ukiuni missingersuusiorfiusuni aningaasanik immikkoortitsisoqarsimanngitsoq ataatsimiititaliap maluginiarpaa. Sooq taamaattoqarpa?

#### 16.5 Konto pingaarneq 84.40.15 Ilinniartut inaannik sanaartorneq

- a) Ilinniartut ineqarfiinik sulii pisariaqartitsisoqartoq 2016-imi aningaasanik amerlaner-nik sooq immikkoortitsisoqanngila?
- b) Pisariaqartitsineq matussuserneqassappat nuna tamakkerlugu ilinniartut ineqarfiinik inissat 1000-it sanaartorneqarnissaat pisariaqartinneqartoq uppersarneqarsinnaavba aammalu ilinniartut ineqarfiinik maanna sanaartornerup sukkassusia aalajangiusima-neqassappat ilinniartut ineqarfiini inissat taama amerlatigisut qaqugu sanaartor-neqarsimassappat?

#### 16.6 Konto pingaarneq 84.40.17 Meeqqanik inuusuttunillu paaqqinnittarfiit

- a) Namminersorlutik Oqartussat sanaartugassatut pilersaarutaat kommunillu sanaartu-gassatut pilersaarutaat qanoq annertutigisumik ataqatigiissaarneqartarpat? Naalak-kersuisut tamatumunnga allanik oqaaseqaatissaqarpat?
- b) Meeqqanut atuarfinnut tunngatillugu periuserineqartoq assigalugu paaqqinniffinnik sanaartornermut tunngasut kontop pingaernerup matuma ataaniittut kommuninut tun-niunneqarnissaat Naalakkersuisut pilersaarutaannut ilaava?

#### 16.7 Konto pingaarneq 85.50.20 Takornariartitsiner-mi sanaartorneq

- a) Ilulissat kangiani sullissiviup ukiumi ingerlatsiviusumi siullermi ukiumut akiliuteqar-luni pulaartunik 17.000-nik takuniarneqartarnissaa naatsorsuutaasoq, tamatumalu kingorna amerliartornissaat naatsorsuutigineqartoq Naalakkersuisut paasissutissiis-sutigaat. Amerlassutsit siuliani taaneqartut qanoq naatsorsorneqarsimanersut paasissu-tissiissutigineqassasoq ataatsimiititaliamit kissaatigineqarpoq?
- b) Takornarianut sullissivinnik pilersitsineq takornariaqarnikkut attaveqaatinik anner-tusaanermi pingaarutillit ilagissagaa, tassungalu ilanngullugu mittarfinnik aaqqissuus-sinerup annertusaavigineqarneratigit angalatitsinerni akit inissisimaffiini allangori-artorneq takornariartitsiner-mi ineriartortitaqarnerup kivitsivigeqqinnissaanut peqataa-qataassaasoq Naalakkersuisut siusinnerusukkat paasissutissiissutigaat (takuuk Ilulis-sat kangiani sullissivik pillugu ilisimatitsissutitut suliaq 17. juni 2015-imeersoq). Mit-tarfinnik aaqqissuussineq qanoq ittoq allaavittut atorneqarsimanersooq paasissutissiis-sutigineqassasoq ataatsimiititaliamit kissaatigineqarpoq?
- c) Takornarianut sullissiviup 108 mio. kr.-it atorlugit sananeqarnissaa pisortat anin-gaasaataat aningaasaateqarfinnullu aningaasaliissutit kisiisa atorlugit aningaasaler-sorneqartussaasorinarpoq. Aningaasaliinerup tamatuma inuiaqatigiit aningaasaqar-nerannut akilersinnaasutut isigineqarnissaanut ikorfartuutaasinnaasumik ataatsimoo-rtumik pilersaarummik allamilluunniit peqarpa aammalu aningaasaliineq akiitsunut aningaasaliinernullu periusissami tunngavinnut naapertuuppa?
- d) Aningaasaliineq tamanna missingersuutinut ilanngussami paasineqarsinnaasorinartu-tut pingaaruteqartigippat pilersaarummi aningaasaliisartut namminersortut peqataanis-

- saminnut aamma soqutiginnissasut isumaqartoqarsinnaagaluarpoq. Naalakkersuisut tamatumunnga qanoq oqaaseqaatissaqarpap?
- e) Ilulissani takornarianut sullissiviup siulliup inissisimaffigisassaani takornariaqarnermut periusissap nutaap suliarineqarnerani Qaasuitsup Kommunia qanoq atuuffeqar-simanersoq paasissutissiissutigineqassasoq ataatsimiititaliamit kissaatigineqarpoq. Ilulissani takornariat qanoq amerlatiginerannut kisitsisit pisortatigoortut kingullit paasissutissiissutigineqarnissaat ataatsimiititaliamit kissaatigineqarpoq.
  - f) Takornarianik sullissiviit ilisarnaatitut ataatsimoorussaasutut ingerlanneqarnissaannik suliaasaq kimit ingerlanneqassanersoq paasissutissiissutigineqassasoq ataatsimiititali-amit kissaatigineqarpoq?

#### 16.8 Konto pingaarneq 86.60.01 Peqqinnissaqarfik

Naak atortunut aningaasaliissutit konto pingaarnermut matumunnga nuunneqaraluartut Peq-qinnissaqarfimmi atortunut ataatsimiititaliaq ukiorpassuarni ingerlasimasoo(-lluarsimasoo) ingerlaannassasoq uppersarneqarsinnaava?

#### 16.9 Konto pingaarneq 87.73.12 Umiarsualivinnut talittarfinnullu aningaasaliissutit

Uummannami Kangaatsiamilu umiarsualiviit konto pingaarneq una aqqutigalugu qaqugu pitsangorsarneqassanersut paasissutissiissutigineqassasoq ataatsimiititaliamit kissaatigi-neqarpoq?

#### 16.10 Konto pingaarneq 89.71.40 Nukissiorfiit, sanaartornermut taarsigassarsiaritit

Aningaasaliissutit 2017-imi 130 mio. kr.-inut amerleriassasut, tamatumalu kingorna ikiliri-aqqissasut suliaasaq nr. 996.17.774-ip allaaserineqarnerani allassimavoq. 2017-imi taama annertutigisumik amerleriarnernut suna pissutaava?

#### 16.11 Konto pingaarneq 89.71.41 Nukissiorfiit, sanaartornermut taarsigassarsiaritit, nuna-gissaaneq

- a) Nuna tamakkerlugu sanaartugassatut pilersaarutit assigiinngitsut eqqarsaatigalugit sa-naartorfissagissaanermut aningaasartuutit qanoq pingaarnersiorneqassanersut paasis-sutissiissutigineqassasoq ataatsimiititaliamit kissaatigineqarpoq.
- b) Nukissiorfiit aningaasanut inatsimmi aningaasaliissutaasut iluanni ukiut missingersu-usiorfiusut ilanngullugit siunnersuisartunit suliffeqarfinnullu ukiunut arlalinnut isu-maqatigiissuteqarsinnaasut konto pingaarnermi matumani konto pingaarnermi 89.71.40-mi paasissutissiissutigineqarpoq. Tamanna pillugu oqaasertaliussamik sooq ilanngussisoqanngila, soorlu assersuutigalugu konto pingaarnermut 73.95.04-mut, Nukissiuutit ataavartussat il.il. ineriartortinnissaannut suliniutinut tunngasumut, taamaattoq?

#### 16.12 Konto pingaarneq 89.72.11 Nammineq inissianik tapiissutitalimmik sanaartorneq

- a) Ataatsimiititaliap paasinninnera malillugu namminerisamik inissialiornernut tapiis-suteqariaatsit ilaat (assersuutigalugu 20/20/60 atorlugu taarsigassarsiat) isertitaqqor-tuunut tunniunneqarajupput, taamaalillunilu tapiissutit taakku nammineq inissiamik pisinissamut akissaqarnerpaanut tunniunneqartarlutik. Inissianut tapiissutit allat, as-sersuutigalugu sanaqateqarluni illuliornissamut tapiissutit, taamaallaat isertitakinne-rusunut tunniunneqartarput. Isertitaqqortussutsip annertunerpaaffilerneqarnissaa Naalakkersuisut isumaliutigisimavaat, taamaaliornikkut assersuutigalugu innuttaasut akunnattumik isertitallit aammalu taarsigassarsianut ineqarnermilu aningaasartuuti-nut allanut akiliisinnaassuseqartunut tapiissuteqariaatsit kisimik atuutsinneqalersin-naaqqullugit? Innuttaasut ataasiakkaat isertitaminnik annertusaasinnaanerit ajorseriar-

tingikkaluarlugu aaqquissuussinerup taamaattup eqqortumik katiterneratigut inissiamik imminnut pilersinnaareersut tapiissuteqarfigineqartarnissaat pinngitsoortineqarsinnaavoq. Suliassaqarfik taanna annertullunilu imaannangitsupilussuusoq aammalu inissianut tapiissutit assersuutigalugu isumaginninnikkut tunniuttakkanut, akileraartarnermut il.il. sanilliullugit immikkoorluinnartutut isigineqarsinnaanngitsut ataatsimiititaliap ilisimavaa.

- b) Kontomi tassani taarsigassarsisinneqarnissamik neriorsuuteqartoqarsinnaaneranut pi-umasaqaatit suut tunngavigineqartarpat? Qinnuteqaatit aningaasaliissutinit amerlane-ruppata qanoq pingaarnersiuisoqartarpa? Oqartussaaffiup sorliup qinnuteqaatit sorliit akuerineqassanersut sorliillu itigartinneqassanersut aalajangertarpa?

#### 16.13 Konto pingarneq 89.72.12 Inissialiassat taartissanillu inissialiortiterneq

Namminersorlutik Oqartussat inissiaataannut takussutissiamik illoqarfinnut agguataar-neqartumik nassinneqarnissani ataatsimiititaliap kissaatigaa.

-----


Naalackersuisut akissuteqarnissaat ataatsimiititaliamit qilanaarinearpoq. Tassunga atatillugu apeqqutitut siuliani allassimasunut akissutigisamik siornagut apeqqutit oqaaseqaatillu akis-suteqarfigineqartut Naalackersuisut (naatsumik) issuartassagaat ataatsimiititaliamit qinnu-tigineqassaaq.

Allakkiamut matumunnga akissut kingusinnerpaamik pingsunngornermi ulloq 10. oktober 2015, nal. 12.00 Aningaasaqarnermut Ataatsimiititaliamit tiguneqareersimasussanngorlugu kalaallisut danskisullu kiisalu elektroniskimik [saam@inatsisartut.gl](mailto:saam@inatsisartut.gl)-imut nassuteqquneqar-poq.

Akissutit Aningaasaqarnermut Nunamullu Namminer-mut Naalackersuisoqarfimmut nassiun-neqassapput, tassani akissutit katersorneqassapput apeqqutillu tamarmik tamakkiisumik aki-neqarsimanersut misissorneqarlutik tamatumalu kingorna akissut Aningaasaqarnermut Ataatsimiititaliamut nassiunneqarluni.

Allakkiaq una aamma elektroniskimik [oedfu@nanaq.gl](mailto:oedfu@nanaq.gl)-imut nassiunneqarpoq.

Ataatsimiititaliaq sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua